

Omunyabuzaare Omucunguzi

Jeffersonville, Indiana, USA

Okwaikumi 2, 1960

1 Yebare, Ow'eishe-emwe Neville. Mukama akuhe omugisha. Ni kirungi munonga kugaruka omurundi ogundi, akasheeshe aka, kugaruka omu nju ya Mukama. Niinyikiriza kikagambwa, obwire bumwe ngu, "Nkashemererwa ku bangambiire ngu, 'Tugyende omu nju ya Mukama.'"

Charlie, ruga enyima y'egyo nkingi, reero oinamukye oije kunu otungye entebe. Gumizamu oije kunu. Ow'eishe-emwekaza, aho hariho entebe enyima aho omunda, ahantu, ahu turikubaasa kwenyigisiriza? Hanu hariho omwanya hanu honyini, mukazi 'we. Izira kimwe hanu. Hanu, Charlie, ija hanu oshutame aha rubaju rwa Banks hanu, kugira ngu otoguma oyemereire. Buri kaire omwojo ogwo ku aija naaruga eifo okwo omuri Kentucky, akahika hanu, akira kwemerera, buri kasheeshe. N'ahabw'ekyo mumureetere kimwe eruguru kunu.

2 Hanu hariho omwanya hanu, aha muheru gw'entebe hanu, ogw'ondijo. [Ow'eishe-emwe Neville yaagira ati, "Hariho omukazi enyima hanu, nawe." -Omur] Hariho omukazi oyemereire enyima, enyima kuri. Izira kimwe kunu. Hanu hariho entebe aha honyini, ow'eishe-emwekaza, haihi hanu. Gumizamu oije omu maisho. Kandi ningira ngu hariho ori omu kagaari k'abarema aho. Bariho? [Ow'eishe-emwekaza yaagira ati, "Ow'eishe-emwe Branham?"] Eego. ["Hariho entebe aha honyini."] Hariho endijo ntebe hanu honyini. Ku haraabe hariho orikugyenda, enyima okwo aha muheru, hanu honyini hariho entebe hanu hanu. [Ow'eishe-emwe yaagira ati, "Na hanu hariho endijo, Ow'eishe-emwe Branham."] Hanu hariho entebe aha, naho, shutama ahi orikwenda. ["Endijo, eri hanu."] Eego. Noobaasa kutunga endijo hanu hanu. Hati, gumizamu oije, mushutame omu ntebe zaanyu. Reero muhurire buzima . . .

Nitwenda ngu muguubwe gye twaba nitugyezaho kureeta Ekigambo kya Mukama.

3 Oo, buzima ni kirungi kuba hanu.

Tinkareebire Charlie aha kituuti. Ari enyima okwo? Kare, mumureete hanu. Mugyenzi! Mbaire ndi na Charlie, eifo okwo, ebiro bikye ebihingwire, kandi tindikubaasa kurabaho ntagiire omu ka ye kandi nkarya, n'ahabw'ekyo naaza kumureeta aha kituuti, akasheeshe aka. Burijo ku aija hanu, ayemerera aha rubaju rw'ekisiika aho, kugira ngu ahe ondijo muntu entebe. N'ahabw'ekyo naaranzya akasheeshe aka naamureeba ayemereire aho, naateekateeka nti, "Ninza-ninza kumutaasyamu hanu hati." Mbwenu, ni-ni kirungi. Hati Ow'eishe-emwe Russell Cox niwe yaaza kutuheereza obutumwa akasheeshe aka. [Ow'eishe-emwe Branham n'abateeraine baasheka - Omur.] Nellie arahi? Ni . . . Ekyo nikiza kumwanguhira. Nkahi? Yee. Nikyo ekyo.

4 Eego, buzima naashemererwa kureeba abanywani baingi munonga aheeru. Sande ehweire ku naagyenzire, nkeehurira kubi saabiiti yoona. Nkaba nyine omunywani murungi ashutami hanu, kuruga eifo okwo hare omuri Bukiizi-bwa-buryo, Ow'eishe-emwe West. Kandi nkaba ndabire, omu bantu, nkyerereirwe. Naagira nti, "Naashemererwa kureeba Nanka na nanka hamwe na Nanka na nanka," reero naareeba ahaiguru y'Ow'eishe-emwe West, kandi tina-tinamureebire okuhitsya obu yaatandikire kushohora. Reero naateekateeka, saabiiti yoona nti, "Ow'eishe-emwe West naaza kuteekateeka ngu mwe-mwehugize nkigyendereire." Kwonka n'o-n'Omukristaayo, n'ahabw'ekyo ekyo naakyetegyereza kurungi. Naamanya ngu ndi o . . . ndi munywani we buzima. Kandi nimmanya ngu naamanya, ngu ekyo tinkaakikora.

5 Naaba nintekateeka akasheeshe aka, ninshuma, kureeba abantu abarikuruga omu myanya etari emwe. Hati, ngugu hanu Ow'eishe-emwe West enyima hanu ogundi murundi, akasheeshe aka. Hamwe n'Ow'eishe-emwe n'Ow'eishe-emwekaza Kidd bari hanu, kuruga Ohio. Kandi na bamwe ahari . . .

Nimmanya ngu Ow'eishe-emwe Evans ari hanu. Ngiire kumureeba, nyomwabazyo omu ihangwe, omu hooteeri, kwonka nintekateeka ngu abaire ari aheeru n'Ow'eishe-emwe Fred hamwe n'abandi. Kandi nibarugira kimwe hare okwo omuri Macon, Georgia, baija hanu, buri Sande ei ndikubuurira. Okuruga Macon, Georgia, orwo n'orugyendo ruraingwa eifo okwo. Ni nka mahiro magana munaana, n'okukiraho, nintekateeka, eifo okwo. Naavuga ari n'ab'eka ye, burizooba eri mbuurira. Kandi okwo n'okuba omwesigwa.

6 Mbewenu mbaire-mbaire nintekateeka, oo, n'ahabw'ekyo, ku oraabe oine abanywani nk'abo, abarikwenda ngu beemerere naiwe! Hati, abo bantu tibarikuruga hare omuri Georgia, na Ohio, n'ebicweka ebitari bimwe by'ehanga eri, bakaija omuri egi tabirinaakuru nkye hanu, kumpurira. Baija hanu ahabw'okuba nibaikiriza obwo Butumwa. Obwo nibwo barikwikiriza. Nibaikiriza obwo Butumwa. Reero ka nintekwa kuba omwesigwa kandi ow'amazima ahari obwo Butumwa! Ahabw'okuba, ti-tiinye nyenka, orikuhaba, kureka nimpabisa n'ondijo. Mwareeba? Reero Ruhanga naija kunjunaana ahabw'enshobe yaabo, ahabw'okuba niinye naakyegyeise. Mwareeba?

Kandi nimbagambira, buzima nikituma waateekateeka munonga ku orikutandika kuteekateeka aha bintu nk'ebyo. N'ahabw'ekyo ni-nimbasiima mwena, ni kirungi munonga kumanya ngu nimubaasa kuvuga ezo mahiro amagana n'amagana, kuraba omu nguuto mbi n'ahari ezi nguuto rugyendwa mpango munonga, ezirimu butandu n'ebindi. Okwikiriza kwanyu omuri Ruhanga nikubibarabyamu, omu muringo gumwe nari ogundi, kubareeta hanu kandi kubagarurayo. Tushemereirwe munonga kugira abanywani b'omuringo ogwo. Nimbashabira emigisha ya Ruhanga mingi munonga.

7 Hati, Sande ehweire, nka-nkagira nti, "Mpaho, twaza kubuurira, reero nyete orunyiriri rw'ab'okushabirwa." Ntwire ningyezaho kusherura omuhanda, ningyezaho kusherura omuhanda gw'okushabiramu abantu baingi okukiraho. Kandi ku ndaashabire baingi okukiraho nka Sande ehweire, ondiijo muntu naaza kuba nanshabira. Nkaruga hanu, haihi shaaha munaana. Kandi ti-tindahaire kaada z'ab'okushabirwa.

Okuha kaada z'ab'okushabirwa n'omurimo gugumire. Tindikumanya yaaba murikukimanya, nari mutarikukimanya, abantu nibakwanga. Kandi Ow'eishe-emwe Banks Woods, akagamba, ekiro kiri, obu twabaire turi eifo omuri Kentucky, ngu naija kuhwera agabe kaada z'ab'okushabirwa Billy ku yaakuba ataizire. N'ahabw'ekyo Billy ahabw'okuba mutabani wangye, noomanya, ahabw'enki, niba . . . Nintunga amabaruhu makye agarikugira ngu, "Andaganiise kaada y'okushabirwa. Tagimpaire. Ako kabeba!" N'ahabw'ekyo niba . . . Tarikubaasa kuziha buri omwe. Kandi titurikubaasa kuta baingi omu runyiriri! Mwareeba? Naateekwa kundinda.

8 Kandi-kandi ku twarugireyo, mukaamwana wangye yaagira ati, "Bill, nooteekwa kugaruramu Billy kugaba zaakaada z'ob'okushabirwa, kitari ekkyo," yaagira ati, "torikwija kuhangaara munonga."

Mbwenu, n'ahabw'ekyo, kwonka ahu naakozire enshobe, n'okutandika kumanya ebiri omu mitima y'abantu, reero omuntu ondiijo agaruka, agira ati, "Nyebirwe, maawe abaire naayenda kushabirwa." Noomanya ekirikubagarura, n'okwo kumanya ebiri omu mitima y'abantu, waareeba. N'ahabw'ekyo, kwonka, tindikubajunaana. Naanye ekkyo nkaakikora. Mwareeba? Naanye nkaakora e . . . Turi abantu, kandi twena nitwenda kubaho, kandi nitwenda ngu tumanye eky'okukora. Ekyo nikyo turi . . . Kwonka haine ahu orikuhiha n'ebinto ebyo, iwe, eby'ekiconco, reero oba nk'owaahwayo, ekkyo ku kirikubaho emirundi mikye.

N'ahabw'ekyo Ow'eishe-emwe Banks yaaba naaza kugaba zaakaada z'ab'okushabirwa akasheeshe aka, kwonka Billy kibaireho yaataahamu ekiro kya nyomwabazyo. N'ahabw'ekyo nteekateekire ngu ekkyo nikiza kuba kibi, kugira omuntu w'ekitiinisa kingi, omuntu nk'OW'eishe-emwe Woods, kugaba zaakaada z'ab'okushabirwa, kutuma abantu baamwanga. Nintekateeka ngu Billy tarikufayo. Batwire nibamwanga omwanya muraingwa munonga, n'ahabw'ekyo tarikukifaho. Kare.

9 Hati-hati egi saabiiti erikwija ninza kuba ndi omuri Dallas, orwakataano orurikwija oru nyekiro, omu ruteerane rw'aba Voice of Healing. Ku haraabe hariho abantu abahereraine naho, niinyija kuba ndiyo ahabw'ekyo kiro kimwe, kubuurira omu ruteerane rwabo. Kandi niinyenda kugamba aha ishomo: Omuhanda gw'okuhika Omu Kukwatanisa, Mukama yaakunda.

Reero, shana, obundi Sande eraakurateho, eggyo neeza kuba eri Sande egi erikwija, Mukama ku araakunde. Tinkahamize kurungi. Mukama ku araakunde, niinyenda kugaruka mbuurire aha ishomo eri naaba nshemereire kubuuriraho eriizooba, Omuyaga Omu Kasooroora. Kandi naaba ninza kushabira abarwaire, eriizooba. Kandi okwo ni nk'okujuukirira munonga e-ekanisa ahabw'ebibi byayo. Kandi-kandi eryo tiriri ishomo rirungi ry'okubuuriraho waaba nooza kweta orunyiri rw'ab'okushabirwa. Nootekwa kwombeka okwikiriza kw'abantu omu . . . omu kushaba, n'ahari Ruhanga, hamwe n'okugira okwikiriza. N'ahabw'ekyo ngambiire Neville kuranga ngu ninza kuba nimbuurira erindi ishomo akasheeshe aka, ndikwombeka okwikiriza omu bantu, ahari Ruhanga. Omu bigambo ebindi, kukabukira abantu aha-ahabw'okutoorobera ebiragiyo bya Ruhanga. Omu muringo ogu, nooba nooyombeka abantu, kugira okwikiriza omuri Ruhanga. Mwareeba?

10 Kandi enyima omu kishengye ky'okushabiramu akasheeshe aka, nari omu kishengye ky'okukwatiramu amaraka enyima okwo, munywani wangye okuzire mukye, Ow'eishe-emwe Kidd, oine emyaka makumi munaana n'omushobo, emyaka makumi munaana, ashutami aha. Baingi omuriimwe nimwijuka obu ndahuka kuza kumureeba akasheeshe kari, akaba-akaba ari haihi . . . hahweireho nk'omwaka, ari haihi kuguhitsya hati. Akaba naafa, ari kubi munonga buzima, kandi abashaho bakagira ngu naaza kumara saabiiti emwe yonka. Nari, ti saabiiti, baka . . . Akaba atarikubaasa kuraaraho kuhitsya omu kasheeshe ngu bamureete eifo hanu, nk'obusheeshe bushatu kuruga obwo. Hati akaba yaashuumire yaahikire ahari igana na itaano, nari ekintu nk'ekyo. Yaagamba, akaire kakye akaahwaho, ngu agarukire ahari igana na makumi ashatu na ibiri. Agizire ngu naayehurira nk'omwojo.

Ow'eishe-emwe Kidd, tindikumanya yaaba noobaasa kwemerera, kugira ngu abantu bamanye ogwo mugurusu omubuurizi. Ngugwo aho. Ka tugire tuti, "Yebare mukama." [Abateeraine baagira bat, "Yebare Mukama!" - Omur.] Omuntu obaire naitwa ekookoro, omuri eggyo-omuri eggyo mbeera. Aine mugyenzi we mukye murungi aho. Nkaayenzire ngu aimukye, nawe. Ni . . . Ow'eishe-emwekazi Kidd, kandi shi iwe ku waakuhika aho? Hati, na . . . Nimureeba oku arikubaasa kwimuka juba? Kukira oku ndikubaasa. Ruhanga ahe omugisha Ow'eishe-emwe n'OW'eishe-emwekazi Kidd. Ninshaba ngu emigisha mingi ya Ruhanga ebagumeho . . . Yebare, ow'eishe-emwekazi.

11 Nibarwanisa kuraba omu nshozi za Kentucky, nibashuma nibanyegyera omu mihanda y'omu byanga by'amakara g'omwitaka, nibabingwa, nibanagwa aheeru, kandi nibashekyerera, nibahiigwa, babaisibwaho kyona eki barikubaasa. Basa ebicoori ebi baashanga omu muhanda, ahantu nanka, kwonka babaho ahabw'Obukama bwa Ruhanga. Kandi aine emyaka makumi munaana, naakibuurira Engiri. Hati, bakuzire munonga tibakibaasa kuza aheeru, n'ahabw'ekyo nshabira ebitambaara by'ab'okushabirwa reero mbibooherereza, reero ba-baguma nibabitwara okwo omu marwariro n'emyanya nk'egyo. Abantu bataahamu babitwara. Hati, buzima ekkyo kibari omu mutima. Tikwo? [Abateeraine baagira bat, "Amiina." - Omur.] Ku oraabe otarikubaasa kuza aheeru kubabugana, noobaasa kubooherereza ekitambaara ekishabiirwe, nka batyo, abo bantu baine okwikiriza. Ekyo ni

kirungi munonga.

12 Ow'eishe-emwe Rogers arimu, nawe, haine ah'ari munu eriizooba, ishezaara w'Ow'eishe-emwe Creech, munywani wangye w'aha mara buzima. Ninja omu nju ye nk'oku ndikuza omu ya Charlie n'eya Nellie n'abandi eifo okwo hati, kandi n'eifo omuri Kentucky. Kandi-kandi nkaba nshuumayo mpiiga, nawe, obwire bwona. Kandi hanu, enshumi nkye ehwire, nk'ameezi ikumi na ashatu agahweire, dokita akamushemeza. "Arwaire ekookoro, kandi," yaagira ati, "ahweire."

Nkateekateeka nti, "Munywani wangye omugurusi omukundwa!" Nkazirwanaho, w'Orutaro rw'Ensi yoona rw'Okubanza, omushaija emanzi buzima, eka ye. Nkamubatiza omu Iziina rya Yesu Kristo, emyaka mingi ehweire, ahabw'okusaasirwa ebibi bye, nimmanya obwo ngu akateebwa omu Mubiri gwa Kristo, kandi akaba ayeteekateekire kuza kubugana Ruhanga. Naateekateeka nti, "Munywani wangye omukundwa yaaza kugyenda hati." Kikabaho bwanyima y'okworekwa okwo, nari okworekwa okwo kutakaanyiziire, okw'Eiguru. Reero naashuma naaza kumureeba, kandi omu kishengye haijamu omuhanganzima. Ruhanga yaahindura ebintu. Hahingwireho ameezi ikumi n'ashatu ekyo kibaireho, kandi akiri hanu n'eriizooba, naarya.

13 Akamira bimwe nka, akamira nk'ebijuma bya sarufa, byamwosya omu mumiro hanu. Kandi naaza kuza omu runyiriri rw'ab'okushabirwa, ningira, akasheeshe aka, yaija. Kandi nimmanya ngu naaranga ekyo bwanyima Billy yaaherize kugaba zaakaada z'ab'okushabirwa, nari arikuza kuzigaba, nimmanya ngu babaire nibaza kugaba zaakaada z'ab'okushabirwa. Ngambiire mukwe we, munywani wangye w'aha mara, Ow'eishe-emwe Creech, kureeta-kumureeta. Naateekateekire nti, ku ndaabe ntamuboine, obwo ninza kumukwata mute omuri kimwe ahari ebi bishengye by'okushabiramu hanu. Kwonka akaba aine kaada y'ab'okushabirwa. Naagira nti, "Busty, niinyenda ngu oze aheeru kuri." Eiziina rye ni Everett. Nitufa kumweta Busty, kurifunza. Kandi aka-aka . . . Naamugambira nti, "Shohora aheeru oze omu runyiriri rw'ab'okushabirwa. Haakiri nkushabire okushukwaho kukirih, ahabw'ekyo." N'ahabw'ekyo ninkunda kugira . . . Ku naakumanya ngu ninza kushabirwa, niinyenda ngu omuntu abe ashukirweho yaaba nanshabira.

14 Hati ka tubiikuure omuri Baiburi zaitu, akasheeshe aka, tubiikuure omu Kitabo kya Ruusi. Naaza kushoma Ekyahandiikirwe omuri eki, omu Kitabo kya Ruusi. Kandi hati tutakagiire omuri eri ishomo . . . Ku naakubaasa, niinyenda kuranga ishomo ryangye ahabw'akasheeshe aka, miryetwa: Omunyabuzaare Omucunguzi. Kandi niinyenda kurigambaho omu miringo ena etarikushushana, aha bucunguzi.

Ndiyo nintekateeka, Sande ehweire, nkaba nimbuurira oku Kristo yaizire kutucungura. Reero, eriizooba, niinyenda kugamba ahari: Omucunguzi niki? Naaba ata omucunguzi? Kandi, mwijukye, Omucunguzi naakucungurira kimwe, yaakucungura; kuruga omu bibi byawe, kuruga omu burwaire bwawe, kuruga omuri buri kintu ekishobire. N'omucunguzi.

Hati, tutakarihikireho, ka twinikye emitwe yaitu Tumugambire, kurabira omu kushaba. Kandi hati twinikire emitwe yaitu, niinyebuuza ni bangahi akasheeshe aka, turi omu Kubaho Kwe, abarikwenda ngu baijukwe omu kushaba, murikwimutsya emikono yaanyu nimugira muti, "Ai Ruhanga, noomanya eki ndikwetenga"? Ruhanga abahe omugisha, buri omwe.

15 Tataitwe ow'omu Iguru, naashemererwa munonga, eriizooba, ahabw'okuba hariho Amaani g'Ahaiguru maingi, ahabw'okumanya Ruhanga, ou turikubaasa kuhikaho kurabira omu Mwana We, Kristo Yesu, kandi tukutukagarukwamu eki turaashabe. Nk'omu ruteerane oruhweire, tubaire nitugamba oku abantu baazengyereire bajwaire empu z'entaama n'ez'embuzi, kandi bakaconcoboza, nibasherura Orurembo oru Ruhanga yaagyezire kandi akarwombeka. Nibamanya ngu ku baakubaasa Kumuhikaho, ku baakubaasa kubona ah'Ari! Kandi Yobu, owa ira, akagira ati, "Ku naakugyenda, nkakongoota aha rwigi Rwe," omu bindi bigambo. "Ku naakubaasa kumanya ahu A-Atuura, nkaataahire Nawe omu Ka, nga-ngamba Nawe, maisho na maisho. Kwonka ekyo hakaba hatariho muhanda gw'omuntu kukikora, ahabw'okuba akaba acumwire, yaayetaaniisa kandi yaahinduka omunyaihanga ahari Ruhanga.

Kwonka okurabira omuri ogwo ow'Omuhendo Owaizire akataho omuhanda, kandi akatusaasira ebibi byaitu, reero akatureeta omu maisho ga Ruhanga, atari nk'abanyamahanga, kureka nk'abaana abarikwija ahari Ishebo. Nitumanya ngu Naija kutuha byona ebi turaashabe. Ekiragiro kimwe kyonka nikyo kitairweho, ekyo ni, "Ku oraabe noobaasa kwikiriza." Egyo niyo ndagaano. Sitaane naagira ngu tituraikirize, kwonka Ruhanga naagira ngu nituza kwikiriza. N'ahabw'ekyo orugamba ruriho, kandi okucwamu n'okwaitu. Oku turaacwemu kwona, nikwo kiraabe. Kandi kihandiikirwe kurungi munonga ngu, "Byona nibibaasika ahari abo abarikwiriza."

16 Kandi nitwikiriza, eriizooba, nitwija Ah'ori kugira ngu tutunge obuganzi omumaisho ga Ruhanga, nitushaba ngu Otuhe ebi turikushaba. Kandi buri mukono ogwaza ahaiguru, Noomanya ekiri ahansi y'ogwo mukono, omu mitima yaabo, eki gwaba nigwetenga. Ahakuba kikahandiikwa, ngu, "Noomanya ebi omuntu amariiriire omu mutima gwe kukora, n'ebiteekateeko by'omu mutima, kandi noobaasa kuaka ebiteekateeko." Mbwenu nitushaba, ai Ruhanga, ngu Ogarukyemu kurugiirira aha butungi Bwawe n'embabazi Zaawe, buri kyetengo ekyagambwa.

Nabwo nitushaba eriizooba, Mukama, ngu Onyambe, nkyenire okukira abandi boona, shana, abateeraine; nimmanya ngu, abari omu maisho gangye hanu, n'abaaguzirwe Eshagama ya Mukama Yesu. Obundi, hariho

abasiisi abashutami aha, abu ekibi kikomeire kimwe, okuhitsya obu kibagumiire, kitarikubaasika, haihi, bo kurugayo bakaakiira Kristo, Sitaane yaaba akibakomeire kimwe omu maani ge. Kwonka nimmanya ngu kikahandiikwa ngu, "Omu Iziina Ryangye baryabinga baadaimoni."

17 Kandi otuhe amaani eriizooba, Mukama, kurabira omu kubuurira Ekigambo, kubinga buri daimoni y'okubanganisa n'okwikiririza omuri daimoni n'amarogo n'obwoba, arugye omu mitima y'abantu n'ebiteekateeko. Kugira ngu abo abakomirwe n'okushobangirirwa n'okubanganisa babaase kureetwa omu mikono ya Kristo. Kandi nabwo kikahandiikwa, ngu, "Baryata engaro aha barware bakire." Hariho abo hanu abari Abakristaayo, kwonka bakomirwe na baadaimoni b'endwara.

Mukama, mpa amaani g'Omwoyo Orikwera, eriizooba, kukiza buri murwaire weena n'omuntu orikubonabonesibwa ori hanu omu kyombeko eriizooba, kugira ngu Omwoyo Orikwera w'amaani abaase kuba ow'okubanza omuri buri mutima na buri muntu ori omu Kubaho kwa Ruhanga.

Gamba naitwe kurabira omu Kigambo Kyawe. Ekigambo Kyawe nigo Mazima. Tindikumanya eky'okugamba, kureka nttegyereize okwebemberwa kw'Omwoyo Orikwera, kugira ngu Abaase kutwebembera kandi atuhabure omu Mazima goona. Kituhe, Mukama. Ekitiinisa Kikugarukire. Kandi oshukye amajuta aha muheereza waawe. Kandi Ekigambo kyawe kyo kishukirweho. Nituza Kukuhimbisa, Waaba nookita omuri buri mutima, nk'oku ebyetengo byaitu biri. Omu Iziina rya Yesu Kristo, Omwana wa Ruhanga, nitukishaba. Amiina.

18 Ntakashomire, nimbaasa kugamba ebigambo byangye bikye ebi ebi nkunda munonga.

Ku oraabe oine emigyera ei otarikubaasa kwambuka,

Kandi oine enshozi ezi otarikubaasa kurabamu,

Oijukye, Ruhanga w'omu Iguru ashongokire omu bintu ebi abandi batarikubaasa kukora.

Ninshoma omu Kitabo kya Ruusi, eshuura 1.

Omu biro by'okutegyeka kw'abaramuzi, . . . hakabaho enjara omu nsi. Omushaija wa Betelehemu-Yuda yaashuhuukira omu nsi ya Moabu, we n'omukazi we n'abatabani bombi.

Ogwo mushaija akaba naayetwa Elimeleki, n'omukazi we . . . Naomi, . . . amaziina g'abatabani . . . gakaba gari Mahalooni na Kiloni; bakaba bari aba efuraata, aba Betelehemu-Yuda. Ku baahikire omu nsi ya Moabu, baatuurayo.

Bwanyima Elimeleki iba wa Naomi yaafa; . . . Naomi yaatsigara n'abatabani bombi.

Baashwera Abamoabukazi . . . omwe akaba naayetwa Orupa, . . . n'ondi Ruusi; baamarayo emyaka nka ikumi.

. . . Mahalooni na Kiloni bombi baafa; kandi abakazi abo baatsigara . . . Naomi ogwo yaafeerwa iba n'abatabani bombi.

Bwanyima yaimuka n'abakaamwana kugarukayo naaruga omu nsi ya Moabu; ahakuba akaba . . . yaahuririire omu . . . akahurira ku Mukama ataayaaiire abantu be, akabaha eby'okurya.

Yaaruga ahu yaabaire ari hamwe n'abakaamwana bombi, baakwata omuhanda kugaruka omu nsi ya Yuda.

Naomi yaagira abakaamwana ati: Mwirokeko, buri omwe agarukye omu nju ya nyina. Mukama abakorere eby'embabazi, nk'oku mwabinkoreire na baanyakufa.

Mukama abahe obuhuumure, buri omwe omu ka ya iba. Yaabanywegyera, baimutsya amaraka, baarira.

Baamugarukamu bat: Ngaaha, kureka nitwija kugarukayo naiwe omu bantu b'owaanyu.

Naomi yaabagira ati: Baana bangye, mugarukyeyo; nimwendera ki kugyenda naanye? Nimugira ngu nkiine abandi baana omunda, ngu mubaase . . . ngu nyentsya babe abashaija baanyu?

Baana bangye, mwegyendere, mugarukyeyo, ahakuba nkuzire, tinkiri w'okushwerwa. Nangwa n'obu naakugira nti, nyine amatsiko, nari n'obu naakushwerwa omushaija eki kiro, naazaara abaana b'aboojo,

Ebyo mukaabategyereza, okuhitsya ahu barikurira? Haza ekyo kibazibira . . . ahaw'b'eba . . . kushwerwa? Ngaaha, baana bangye; ninshaasha munonga ahabwanyu, ahakuba Mukama abangire omukono gwe kundwanisa.

Baagaruka baimutsya amaraka gaabo, baarira. Orupa yaanywegyera nyinazaara, kwonka Ruusi we yaamubaho akaramata.

Naomi yaamugira ati: Reeba, muka baro yaagaruka omuri beene waabo, n'ahari ruhanga we; naiwe garukayo, okurate muka baro.

Ruusi yaamugarukamu ati: Reka kuunyeshengyereza kukutsigaho, n'obu kwakuba okugarukayo, ngu ndekye kukukuratira; ahakuba ahu oriza hoona, naanye niho ndiza; ahu oriraara, naanye niho ndiraara; abantu baawe

nibo bariba abantu bangye, . . . Ruhanga waawe niwe ariba Ruhanga wangye.

Ahu origwa, naanye niho ndigwa, kandi niho ndiziikwa. Ku harigira ekyantaanisa . . . naiwe, kitari rufu, Mukama akinture n'okukiraho.

19 Niinyenda kweta omutwe gw'oku kubuurira kukye kw'akasheeshe aka, obwo ndiyo ningwegyesa, ningyezaho kubahitsyaho okwikiriza, kw'obucunguzi, n'eki buri, kandi n'oku waakubutunga. Niinyenda kugweta: Omunyabuzaare Omucunguzi.

Hati, okucungura ekintu kyona, "n'okukigarura." Ekintu ekibaire kibuzire, nk'okuta omu duuka ei bakwatiirizamu emikwato ya looni. Oshuuma ogyenda ogucungura, nigucungurwa n'omuhendo. Reero guba ogwawe burundu, waaheza kugucungura. Kwonka ekiragiro ky'okucungura, omuri Israeli, akaba naateekwa kuba omunyabuzaare omucunguzi, kucungura ebintu nari ekintu ekyabaire kibuzire.

20 Ebigambo byaitu nabitandikira omu bwire bw'abategyeki ba Israeli, abaabaire bari abaramuzi, bwanyima y'okufa kwa Yoshua. Kandi kutunga ekishushani kirungi munonga ky'eki, shoma eshuura itaano nari mukaaga z'okubanza z'ekitabo kya Samueli ky'Okubanza, reero nooza-nooza kutunga ebigambo byonyini byakyo.

Kwonka twaza kuguruka hati kugira ngu tutungye ebikuru ebirimu omuri eki. Kandi, obwire obwahweire, nkatandika eki Kitabo kya Ruusi, naamara saabiiti ishatu nari ina, kukiheza. Nkatandika Ekitabo ky'Okushuuruurwa, rimwe, naamara omwaka gwona, haihi, Kukirabamu. Buri Kyahandiikirwe kikye nikijwekana n'ekindi, hoona, omuri Baiburi. Kiboneire. N'ahabw'ekyo, nitumanya ngu Baiburi ehandiikisiibwe Omwoyo Orikwera. Ahakuba, omu by'okubara kandi na buri muringo gwona, tihariho bindi bitabo ebihandiikirwe ebitarikubaasa kwehakanisa ahantu hamwe.

Ekitabo eki kikahandiikwa haihi nk'emyaka enkumi ina rwagati, Ekitabo bya Baiburi. Kandi bikahandiikwa na bamwe . . . Naayebwa n'abantu bangahi ababihandiikire. Nkaba nimbamanya. Kwonka, munsaasire. Niinyenda kugamba makumi mukaaga n'omushobo, kwonka ni-ni-ni . . . Nimbaasa kuba ngwire aho. [Ow'eishe-emwe yaagira ati, "Makumi ana." -Omur.] Makumi ana. Abantu makumi ana bakahandiika Baiburi, omu bwire bw'emyaka enkumi n'enkumi rwagati, batarikumanyana na kakye, nari kureebana, nari omwe kushoma ebya mugyenzi we, emirundi mingi. Kandi tihariho kigambo ekiruhakanisa ekindi. Ehandiikisiibwe Omwoyo Orikwera!

21 Hati, abantu baingi bareeba Ekitabo eki kya Ruusi, nk'oku bagamba ngu, "N'ebigambo bya rukundo omuri Baiburi." Baiburi n'ebigambo bya rukundo. Baiburi yoona n'ebigambo bya rukundo.

Ti bigambo bya rukundo kwonka, kureka Ni nabi. T'Eri nabi kwonka, kureka nabwo N'ebiyabaireho. T'Eri bigambo bya ru-rukundo kwonka, ebyabaireho, nabi, kureka Ni Ruhanga Wenyini. Ahabw'okuba, "Bwa mbere na mbere hakaba hariho Kigambo, Kigambo ogwo akaba atuura na Ruhanga, kandi Kigambo akaba ari Ruhanga." N'ahabw'ekyo, Ekitabo ni Ruhanga omu nyuguta ezihandiikirwe. Ekyo kishemereire kumara, ow'eishe-emwe. Ruhanga, omu nyuguta ezihandiikirwe. Yehova, ahandiikirwe omu Kitabo. Kandi tikirimu kintu na kimwe ky'ekitebyo ekigunzirwe, kureka byona n'Amazima gonyini. Buri kicweka Kyakyo, kihamizeho amagara gaawe. Kiriho. N'Amazima, kandi Ruhanga naaza kushagika Ekitabo Kye.

22 Kandi ebigambo ebi bikahandiikwa, n'ebitabo byona ebya ira. Ku baabaire nibatoorana eby'okuta omuri Baiburi, abantu abarikwera, ku baabaire nibagyezaho kubirundaana hamwe omu Ndagaano eya Ira, Ekitabo kya Ruusi eki nikyo kyabaire kimwe omu Bitabo bikuru ebi baikiriize. Ahabw'enki? Ku kiraabe kiri ebigambo bya rukundo kwonka, ahabw'enki abahandiiki n'abanyabwengye aba ira baikiriize Ekitabo eki nk'ekyahandiikisiibwe Omwoyo Orikwera? Ahabw'okuba, Kirimu okushuuruurirwa okusherekirwe. Kandi omuri oku kushuuruurirwa okusherekirwe, nootungamu amakuru gonyini. Nigaija kukwiriza haihi munonga na Ruhanga.

Ninshaba, n'amagara gangye goona, akasheeshe aka, ngu Ruhanga akwate buri mutima, agushashanurire kimwe, okuhitsya obu Araayeshuuure, eki Ari, omuri ebi bigambo; eki Ari ahariiwe; oku oshemereire Kumwakiira. Kandi ku oraheze kukireeba, kyanguhi munonga, nootangaara oku waakirabire ahaiguru. Kwonka nikibaasa kushuuruurwa Omwoyo Orikwera wenka.

23 Hati, abantu baingi, abarikushoma Baiburi, Nibagishoma, nibafa kwimuka bashoma orupapura, bashoma n'orundi. Torigyetegyereza. Ahabw'okuba, Ehandiikirwe omu nfumu. Kandi Yesu akasiima Ruhanga Ahabw'okugihandiika atyo. Akagira ati, "Okabishereka abanyabwengye n'abarikwetegyereza, Waabishuuruurira abaana bato abarikubaasa kwega."

Nk'oku ntuura ningamba. Omuky. Branham ashutami enyima aho, akasheeshe aka. Kwonka naaba ndi eseeri y'amayanja, nampandiikira ebaruha. Agire ati, "Omukundwa Bill, nshutami hanu, ekiro eki, n'abaana. Ninkuteekateekaho." Reero agumizamu naahandiika ebi arikwenda kuhandiika. Kwonka ni-nimmukunda, kandi nimmumanya kurungi munonga, nimbaasa kukyenga eki arikumanyisa. Buzima nimmanya eki arikumanyisa, mwareeba, n'obu yaakukihandiika hanu nari atakihandiikye. Mwareeba? Habw'okuba, nimmanya eki arikugamba. Ahabw'enki kiri kityo? Ahabw'okuba nitumanyana munonga. Turi bamwe. Mwareeba? Kandi naamanya embeera zangye. Nimmanya eze. Tari . . .

Naabaasa kushutama andeebe. Nimbaasa kukugambira eki arikuza kugamba, mwareeba, ahabw'okuba ni-

nimmumanya kurungi ntyo. Kandi nawe naabaasa kunkora atyo. Hati, ekirikukora ekyo, n'okwesigana. Rukundo!

24 Nyomwabazyo omu kasheeshe, tukyerereirwe kwimuka omu kitanda kakye, kandi abaana babaire batari ab'okuza aha ishomero, reero twatandika kugamba aha bintu ebitari bimwe. Kandi oku . . . "Rwango niki?"

Naagira nti, "Rwango eine obutandikiro, n'ahabw'ekyo neeteekwa kugira obugarukiro. Rukundo teine butandikiro, n'ahabw'ekyo teine bugarukiro. Rwango eine obugarukiro. Rukundo n'Etahwaho. Rwango neetandika kandi eryahwaho. Rukundo tekatandikahoga kandi Terihwaho. Mwareeba? Ekaba eri Etahwaho.

Kandi omushaija ku akunda omukazi kandi akamutaasya ahabw'okuba ari murungi kusha, ekyo kiryangira omuheru. Kwonka omushaija ku abona omukazi ou arikukunda, atarikumanya ahabw'enki, kwonka naamukunda. Kandi omukazi akabona omushaija ou arikukunda, n'obu yaakuba naashusha ata. Omushaija naakunda ogwo mukazi. Omukazi naakunda ogwo mushaija. Ogwo ni mugyenzi we Otahwaho omu Kitiinisa. Rufu egi nari ekindi kintu kyona tikirkubaasa kubataanisa na kakye, ahabw'okuba bakaruga omu Butahwaho. Kureka bakaburugamu, baaza omu kyanga ky'okubara obwire, kandi baryagarukayo omu Butahwaho. Obutahwaho buragaire omu mubiri, ogurkwetwa obwire, bwanyima nibugarukirayo kimwe omu Butahwaho omurundi ogundi. Tiburikubaasa kuhwaho.

25 Omukazi ori murungi, obwo burungi buryahwaho, buzima kwo. Iwe buhe emyaka mikye. Obundi, eriizooba naayetogonyora naashuma omu ruguuto rw'omu rurembo, omukazi mukye ori nk'ojwaire busha, naatwara abantu baingi munonga omuri gehena okukira amabaara goona ag'omu ihanga. Kwonka naayetogonyora naashuma omu ruguuto rw'omu rurembo, naateekateeka ngu n'ow'amaani. Nk'oku Baiburi erikugira eti, "Baryanaga ebitsya, batamazirwe, nibagyenda nibakimbagira," ekyo nikimanyisa, "okwetogonyora bariyo nibagyenda, omu biro by'aha mperu." Nibahikiiriza Ebyahandiikirwe, kandi batarikukimanya. Nibeemerera omu mbuga, bajwaire ebijwaro nk'ebya baamaraaya, abashaija barikubareeba, kwonka batarikukimanya. Naabaasa kuba aine emicwe mirungi, ahari iba nari omwojo nkuzi ye, nk'oku arikubaasa; kwonka, aha Kiro ky'Orubanja, aryabuuzibwa ahabw'okushambana n'amagana g'abashaija. Bariho omwoyo, kwonka tibarikukimanya. Baiburi neegira ngu, "Bajwaire busha, n'empumi, kwonka tibarikukimanya." Ekicweka ekirikwitsa obusaasi ni ngu, "Tibarikukimanya."

Kwonka muraakimanyire ngu, ekyo kyemerero kikye ekyemi kurungi, eki Ruhanga ahaire ogwo mwishiki, nikibaasa kuba kyajunzire nk'aga magingo Sande erikwija? Ogwo mushaija muraingwa, orikwiragura kandi murungi naabaasa kutaba kintu kureka ekirundo kya kasasiro, Sande erikwija. Ebyo byona nibihwaho.

Kwonka ekyo ekiri omunda, Ruhanga, rukundo, etuuraho Obutahwaho. N'ahabw'ekyo, reeba ekiri omunda. Gumya amaisho gaawe aha kigyendererwa.

26 Hati, ebigambo ebi nabitandika omu muringo ogwo, nk'omukazi murungi, orikukundwa. Eiziina rye akaba naayetwa Naomi. Naomi nirimanyisa "ekirikushemeza." Omushaija we akaba naayetwa Elimeleki, eririkumanyisa "okuramya." "Okuramya okirikushemeza" niyo yaabaire eri eka ye. Bakaba baine omutabani orikwetwa Mahalooni, eririkumanyisa "endwara." N'onddijo orikwetwa, Killioni, eryo rikaba nirimanyisa "oburuhe, okuburaaburirwa, enaku." Eggo niyo yaabaire eri eka.

Reero hakateera enjara omu nsi ya Israeli. Kandi enhobe y'okubanza ei Omuyudaaya arakozire, ni, okuruga omuri egoo nsi. Ruhanga akabaha egoo nsi. Abrahamu ku yaahairwe egoo nsi, Ruhanga akamugambira okutaruga omuri egoo nsi. Kandi akakora enhobe obu yaashuma eifo omuri Gerari, akagira emirabanamu. Omuyudaaya n'ow'okutaruga omuri Palesitaini. Ogwo n'omwanya gwe ogu yaagabiirwe.

Kandi bakagubingwamu, baataataanira omu nsi yoona. Mbwenu hati bariyo nibagarukayo omurundi ogundi.

27 Oo, n'ebigambo birungi munonga ebi twine hanu, akasheeshe aka. Bariyo nibagarukayo.

Naomi enjara ekamubingayo, Naomi na Elimeleki, batyo baashuhuukira omuri Moabu.

Hati kutunga entandikiro y'ebigambo ebi, nikwo, mwaba muhurikiize, mubaase kugwetegyereza.

Hati, Moabu, Abamoabu, bakakomooka aha mwana w'ekizaarwa, owaabaire ari owa bahara ba Looti. Ku baaherize kuhunga omuriro gwa Sodoma, ahabw'embazi za Ruhanga, abo bahara baasinza ishe reero baabyama nawe, nka mukazi we. Baazaara omwana. Kandi omwe aharibo niho yaakomookire, kandi yaatwarwa omu i-ihanga rya Moabu, nibeetwaramu kuba Abakristaayo, kwonka bakaba beejwangize omu bukaafiri. Kandi, nooreeba, okuruga omu nsi eyaaraganisiibwe, n'obu yaakuba yaabaire eri mbi eta, kushuhuukira omu nsi endijjo, kikaba kireeta oburemeezi.

28 Kandi obwire bwona obu omwikiriza aruga omu mwanya gwe ogu Ruhanga amuhaire! Emirundi mingi, omu by'obutegyeki, okuteera akaruuru oku okurikwija n'ebindi, omuntu murungi naabaasa kuba omuntu murungi, kwonka atwarwatwarwe arugye omuri ogwo mwanya. Nk'omuheereza ou ndikumanya, akeetsimba kuba meeya w'orurembo. Kandi ku yaayetsimbire, akaruga omu mwanya gwe gw'obuheereza, atyo Sitaane yaamususingura.

Omkritaayo weena ku aruga omuri ogwo mwanya. Ati, "Mbwenu, naaza kufa kushuma, ekiro eki, nshutame n'aboojo omu kishengye eki bazaaniram puulu, akaanya kakye. Tihariho ekibi kyona eki ndaakore. Ninza

kunywaho kakye." Waaruga omu mwanya gwawe. Garuka. Oriyo nootebeekanisa orugyendo rwawe rw'okuza omu kabi.

"Oo, abandi baishiki boona nibareetsa. Naaza kugyezaho emwe." Waaruga omu mwanya gwawe. Ekyo otakikora. Guma omu nsi yaawe y'obutaaho. "Oo, mbwenu, buri muntu weena hanu, nibaanyeta, 'Ow'omutindo ogwa ira.' Nibaanyeta, 'Ow'omurembe ogwa ira.'" Guma aho, n'obu kiraabe. Ogwo nigwo mwanya gwawe. Guma omuri Kristo.

29 Naomi, ahabw'enjara, akazengyerera yaaruga omuri egoy nsi yaaza omuri Moabu, naasherura eby'okurya. Ekyo akaba atashemereire kukikora, ahabw'okuba abandi boona bakaguma omuri Buyudaaya, Betelehemu. Betelehemu nirimanyisa, Beseeli, "enju ya Ruhanga," enju y'okuhimbisa. Kandi bakagumayo.

Reero yaazengyerera na iba. Kandi batabani be babiri baashwera abahara b'Abamoabu. Kwonka Ruhanga ku arikuba ashaziremu ngu ekintu nanka kikorwe, nikibaho n'obu haakubaho ki. Buzima egoy niyo nshonga erikutuma naikiririza omu kutooranwa ira tutakabaireho, Ruhanga kumanya ebintu byona ira bitakabaireho.

Reero nitireeba ngu, okwo, rufu ekateera egoy ka, batyo batandika kugaruka. Kwita . . . Omutsigazi akafa, abo batsigazi bombi bakafa, kandi na ishe yaafa. Bwanyima Ruusi yaatandika kugaruka, Orupa, na Naomi.

30 Hati, niinyenda kushushanisa, akasheeshe aka, Naomi, omukazi mukuru, n'ekanisa ya Orthodox, ekanisa y'Ekiyudaaya ya Orthodox. Ruusi, Omumoabu, Omunyamahanga, kuba Ekanisa y'Abakristaayo, Ekanisa Ensyia.

Niinyenda kumugambaho, omu bicweka bina ebitarikushushana, Ruusi. Mbihandiikire hanu. Ruusi, naacwamu, naasharamu; Ruusi, naaheereza; Ruusi, ahuumwire; Ruusi, naaheebwa ebihembo. Ka tubigarukyemu: Ruusi, naacwamu; Ruusi, ku yaaherize kucwamu, reero Ruusi ariyo naaheereza; reero Ruusi ahuumwire; bwanyima Ruusi naaheebwa ebihembo.

31 Hati, omu muhanda barikugarukayo, obwire bukahika, nk'oku we ari ekishushani ky'Ekanisa, nari Omukritaayo. Nk'oku, buri omwe arikujwekyera eihanga ry'Abakristaayo ryona. Ekyo obaire nookimanya? Iwe, omu ngyesho zaawe, omu muringo ogu orikutwazamu kandi n'ebi orikukora, noojwekyera Omubiri gwa Kristo gwona. Noogira oti, "Kwonka nyowe ndi omushomi wa burijo." Ekyo tikiine kakwate. Waatandika kwetwa eryo iziina Omukristaayo, noojwekyera Kristo n'Ekanisa Ye. Oshemereire kutuura otyo. Mushemereire kutuura nk'abashaija abarikutwaza gye, nk'abakyara. Mutarikora ebintu by'ensi na kakye, ahabw'okuba amaiso goona g'omu Iguru n'omu nsi gakuteirweho, kujwekyera ekyo kintu kimwe. N'obu waakuba oine maani makye ota, oku ori mukye, yetwaze kurungi, 'habw'okuba ori Omukristaayo.

32 Hati, Ruusi akaba ari omukaafiri, naaheereza ebishushani ebirikuramibwa, na Orupa nikwo okwo. Kandi bakaba bari omu rugyendo rwabo, nibagarukayo na nyinazaara. Ahabw'okuba, akahurira, ngu, eifo omuri Betelehemu-Yuda, ngu Ruhanga akaba aihireho ekibonaboneso, kandi abantu bakaba baine eby'okurya. Akaba amazire eruguru okwo nk'emyaka ikumi, nikwo Eersheim, omunyabyafaayo arikugamba ngu, "nk'emyaka ikumi."

Kandi omu kugaruka, aine enaku (kandi iba akafa, abaana be baafa), ari n'abakaamwana be babiri. Reero yahhinduka, naateekwa, yaabareeba, yaagira ati, "Nimwendera ki kugyenda naanye? Hati, tihariho ekintu kyona eki muraatungye kureka emirabanamu." Yaagira ati, "Munsaasire ahabw'okuba Ruhanga abangire omukono Gwe kundwanisa."

33 N'emirundi engahi ei Israeli yaateekateekire ekyo, etarikumanya ngu yoona ekaba eri puroguraamu ya Ruhanga! Oku ekisiika ky'okuririraho kiri aheeru ya Yerusaalemu, kikiriyo na hati! Amabaare aga ira ga hekalu, bakagatooratoora baayombeka ekisiika. Kandi gasiimwirwe, gaaterera, ahabw'emiziga n'okurira, n'engaro z'Abayudaaya, nibarira nibeeshengyereza Yehova, "Yehova!" Tibarikumanya ku obwire bwabo buri haihi hati. Ebisiika by'okuririraho, "Aga mabaare rimwe gakaba gombekire enju omu eshanduukye y'endagaano yaabaire eri. Omugabe Daudi akareeba aga mabaare. Ai Yehova, Ori nkahi?" Mwareeba? Atarikumanya ngu juba Omugabe we naaza kugaruka, Omucunguzi we. Bakaba nibateekwa kukuubwa, ahabw'obwire bukye.

34 Naomi akeebuuza ati, "Ahabw'enki omukono gwa Mukama gubaire omukambwe munonga ahariinye, bakaamwana bangye? Ruhanga ancwire. Ndi encuubwa. Tindikumanya eki naakozire, kwonka ndi encuubwa." Mwareeba?

Ruhanga akaba naakora puroguraamu Ye. Ahabw'okuba, "Aha barikukunda Ruhanga, byona ebibabaho bikwatanisiza hamwe kubareetera oburungi," n'obu kyakuba ki.

Yaagira ati, "Mugarukye ahari baanyoko, mutungye obuhuumure omu maka ga baanyoko. Baabaro bakafa. Kandi muri abakazi bato, barungi. Mugarukyeyo. Mugarukye ei mwarugire. Mutungireyo obuhuumure. Ruhanga abakorere eby'embabazi, ahabw'okuba mukaba mwine embabazi ahari baanyakufa. Kandi mutwire mwine emicwe mirungi kwiha obu baabaro baafa. Kandi mubaire abanyambabazi ahariinye, omukaikuru enfakazi otaine iba, kandi mwandamatiraho. Mugarukyeyo, kandi Ruhanga abahe obuhuumure omu maka gaanyu." Baarira.

35 Yaagira ati, "Nkuzire. Tinkibaasa kuzaara abandi baana. Kwonka shi ku naakugira omushaija nkazaara omwana, kikaagasha ki? Timukaategyereza ogwo mwana na kakye." Buzima ekyo nikyo kyabaire kiri ekiragiyo

omu biro ebyo. Ngu mwene ishe w'omuntu ku yaabaire afa, nari . . . kandi, owe, murumuna we ori ataine mukazi, akaba naateekwa kushwera omukazi we kugaruraho eiziina rya mwene ishe owaafire. "Kwonka, we," akagira ti, "timukaamutegyereza, abeereere aba. N'ahabw'ekyo, mugarukyeyo mutungye obuhuumure omu maka ga baabaro. Mugarukye owa baanyoko."

Kandi, Orupa, ekirikushushanisa ky'ekanisa eri kooyakooya eyaatandikire, ekishushani ky'ekanisa etarikugumizamu orugyendo rwona. Akagira ati, "Ekyo ni kurungi munonga." Reero, yaanywegyera nyinazaara atyo yaagarukayo. Ekyo n'ekishushani ky'omwikiriza ori kooyakooya, orikwikiriza ku Yesu ari Kristo, kwonka akahinduka akagaruka omu bintu ebi yaarugiremu. Omuntu orikutoora omu muhanda gw'aba Mukama abakte abarikugaywa, bwanyima akahinduka, akagarukayo. "Nk'embwa kugarukira ebitanaki byayo, n'empunu kugaruka omu shaabo yaayo," nk'oku Baiburi erikugira.

36 Hati, akagarukira baaruhanga be. Emirundi mingi nitugarukira baaruhanga baitu-baitu abu twabaire twine okubanza. Obundi twine amaisho agarikwetenga ebintu ebitahikire. Nitwija kugaruka omu kwetenga okubi ogundi murundi. Obundi twine ebishushani ebirikuramibwa by'okunywa, ebishushani ebirikuramibwa by'okureetsa, ebishushani ebirikuramibwa by'okubeiha, ebishushani ebirikuramibwa by'okwiba, ebishushani ebirikuramibwa by'emiringo yoona; reero twature kandi tubatizibwe, kwonka bwanyima tubigarukyemu. Ka n'ekintu ky'enaku! Oijukye, eiziina rye tiriragarukire kugambwaho bundi. Akacuubwa ahaw'okusharamu kwe.

Ekanisa ya kooyakooya, omwikiriza ori kooyakooya, nk'oku buri mwikiriza arikujwekyera ekanisa. Buri Munyamerika naajwekyera Amerika. Buri Mugirmaani naajwekyera Bugirmaani. Buri Mukristaayo naajwekyera Kristo.

37 Hanu akahinduka yaamuteera omugongo, kugaruka omu bintu ebi yaarugiremu. Oku abantu, nangwa n'ababuurizi, obumwe n'obumwe, batoora omu muhanda gwa Mukama. Kwonka waabagambira aha kubatizibwa kw'Omwoyo Orikwera bagira bat: "Obushema," banga Kukiikiriza. Ogwo ni Orupa.

Bagambire aha Iziina rya Yesu Kristo, ngu, "Tihariho rindi Iziina ahansi y'eiguru eryahairwe abantu, erishemereire kutujuna. Eki muraagambe kyona n'eki muraakore kyona, byona mubikore omu Iziina rya Yesu Kristo, ku haraabe hatariho erindi Iziina ahansi y'Eiguru erishemereire kubajuna." Reero Petero yaagira, aha kiro, Ekiro kya Pentekoote ati, "Ku muraabe nimwenda kujunwa, mweteise mubatizibwe, omu Iziina rya Yesu Kristo, mubone kusaasirwa ebibi byanyu." Okwo nikwo birikusaasirwa. Kwonka omuntu, ahaw'okwenda ngu akundwe abantu baangi, ekyo ekiri omuri Baiburi tarikubaasa kukigyenderamu. Kwonka ahaw'okwenda ngu akundwe abantu baangi, naija kunywegyera Ekanisa, anywegyere Obutumwa, anywegyere Kristo ati, "Ogumeho," reero agarukye ei yaarugire. Orupa, kooyakooya, akabingwa.

38 Kwonka, oo, ka ninkunda Ruusi ogwo mukye! Akaba naateekwa kusharamu. Nkaba ninteeekwa kusharamu. Nooteekwa kusharamu. Toraashohore nooraba omuri ogu muryango, akasheeshe aka, otagizire oku waacwamu. Torikwija kuruga omuri eki kishengye, ekiro eki, otabaire omushaija murungi okukiraho nari omukazi murungi okukiraho, nari omushaija mubi okukiraho nari omukazi mubi okukiraho. Kukyanga, nooba mubi okukiraho. Nikiija kuguma munonga ogundi murundi, iwe Kukihikaho. Kitari ekyo, nooza kushohora aheeru ori murungi okukiraho.

Hakabaho akahayano omu magara ga Ruusi. Habaho akahayano omu magara ga buri muntu. Kandi Ruusi akaba naateekwa kucwamu. N'ahabw'ekyo, Baiburi neegira ngu nyinazaara akamugambira ati, "Irooko ogarukye ahari baaruhanga baawe nk'oku muka baro yaakora. Irooko ogarukyeyo nk'oku kooyakooya ori yaakora. Ahaw'b'eni otarikugarukayo?"

Omubuurizi w'Engiri, "Ku oraabe nooyenda kugyenda, gyenda." Omubuurizi wenyini w'amazima oraije kukita omu maisho g'ekibiina ky'abantu ati, "Mucwemu. Mwemerere aha bigyere byanyu." Kooyakooya, omuntu otahamize, omu nda n'eniyima, ekyo takakigamba. Kwonka omuheereza wa Ruhanga w'amazima naija kukikuta aha bibero byawe agire ati, "Cwamu."

39 Ruusi akagira ati, "Ahu oriza hoona naanye niho ndiza. Abantu baawe nibo bariba abantu bangye. Ruhanga waawe niwe ariba Ruhanga wangye. Ahu orituura, naanye niho ndituura. Ahu origwa, naanye niho ndigwa. Kandi ahu oriziikwa, naanye niho ndiziikwa." Okwo nikwo kucwamu kwonyini.

"Mukama, ninza Kukwikiriza nk'Omujuni wangye. Baiburi ku eraagire eti, 'Yeteise obatizibwe, omu Iziina rya Yesu Kristo,' ekyo ninza kukikora. Baiburi ku eraagire eti, 'ninteeekwa kuheebwa Omwoyo Orikwera,' ekyo ninza kukikora. Baiburi ku erangambire eti, 'Yesu Kristo tahinduka; oku abaire ari nyomwabazyo, n'eriirooba nikwo ari, kandi nikwo ariguma ebiro byona,' ekyo ninza kukiikiriza. Ninza kwikiriza Baiburi na Ruhanga, eki Yaahandiikire kandi n'eki Ari, n'obu omuntu ondijo weena yaakugamba ki." Ogwo niwe Ruusi w'amazima.

Akacwamu. Akaba naateekwa kugarukayo nari kugyenda omu maisho. Naitwe nituteekwa kucwamu, akasheeshe aka, kugarukayo nari kugyenda omu maisho. Otarigarukayo. Ka tuyende omu maisho.

Baagumizamu baaza omu nsi eyaaraganisiibwe, omu nsi y'abantu b'omutaano.

40 Ruusi, ekishushani ky'omwikiriza hati. Enki? Omwikiriza niki? Omukazi nari omushaija ku arikurugayo, ogwo

muntu ku aruga omu nsi, aija omu Bakristaayo abaikiriza. Abakazi abaabaire bareetsa, bakanywa, kandi bakazaana kyanisi omu bibiina, n'ebindi nk'ebyo, kandi bakagira n'ebintu ebihangire by'emiringo yoona, "nk'ekinyonyi ekijagaraize amooya." Kwonka hati ogwo mukazi ahindwirwe. Ashaziremu kugyenda na Ruhanga. Hati naija omu bantu abatarikwiriza ebintu by'omuringo ogwo. N'omugyenyi. Naateekwa kugyenda nk'omugyenzi. Tarikumanya emicwe yaabo. Yoona ni nsya, ahariwe. Tarikumanya eky'okukora. Ekyo nikyo Ruusi yaabaire naateekwa kukora. Ekyo nikyo orikuteekwa kukora. Ekyo nikyo ndikuteekwa kukora.

Ku naikiriize Kristo, nkangwa ab'eka yangye. Ku naikiriize Kristo, aboojo nkunzi zangye, abaishiki nkunzi zangye, buri omwe, akanya. Nkagyenda n'ekibiina ky'abantu abakuzire abaabaire baine Omwoyo Orikwera kandi abarikwikiririza omuri Ruhanga, Nibamuheereza. Abaishiki, abaabaire bari eifo okwo omuri egoy kanisa, bakaba baine omutaano aha baishiki abu naabaire ntwire nifyenda nabo. Bakaba nibashushana okundi. Bakaba nibatwaza okundi. Bakaba bari ab'omutaano, kandi nkabatiina. Bakaba bari abantu b'omutaano.

41 Ekyo nikyo Ruusi yaabaire naateekwa kukora. Akaba naateekwa kuruga omu bantu be, kuza omu bantu abandi. Akahindurwa. Akasharamu.

Naiwe noocwamu. Nooteekwa kwecweramu. Nooyenda kugarukayo omu bintu by'ensi, nari nooyenda kugumizamu na Ruhanga?

Nooyenda kutwaza nk'ensi n'abandi boona? Kyo nywegyeira Kristo oti "ogumeho" reero ogarukyeyo.

Kwonka ku oraabe nooyenda kugyenda n'aba Mukama abakte abarikugaywa, ramatira aha mukono gwa Ruhanga ogutahinduka. N'obu abandi bantu b'ensi baakugamba ki, iwe ramatira aho honyini. "Ruhanga nikwo yaagambire. N'amazima. Ninkiikiriza, n'obu ntarikubaasa kutuma kyayorekwa omu magara gangye. Ruhanga nikwo yaagambire. Ninkiikiriza. Nindamatira aho honyini."

Okwo nikwo yaakoreire Naomi. "Tindikutsigaho. Ahu oriza naanye niho ndiza. Abantu baawe nibo bariba abantu bangye. Oku barikutwaza, nikwo nditwaza. Oku barikukora, nikwo ndikora. Ebi barikurya, nibyo ndiryia. Ahu origwa, naanye niho ndigwa. Ahu oriziikwa, naanye niho ndiziikwa. Kandi Mukama akinture n'okukiraho ku naakuremwa na kakye." Okwo nikwo kucwamu okuhikiire kimwe buzima. Ruhanga naayenda okucwamu okuhikiire kimwe omu Kanisa Ye.

42 "Mbwenu, Mukama, ku Orampe omugisha kandi okankorera eki, ninza kukora eki n'eki." Okwo ti kucwamu.

"Ai Ruhanga, tindikufayo eki orankozese, ninza kugyenda oku biri kwona. Ku ndaafe, ni kirungi. Kubaho nari kufa, ekiraabeho kyona! Ku baranshekyerere, bakanshungisa, tikiraareetaho entaaniso yoona, nabwo ninza kugyenda." Okwo n'okucwamu okuhikiire kimwe, nk'oku Rebeka yaacwiremu atakareebire na Isaaka.

Abazaire be bakagira bati, "K'omwishiki ayegambire. Omwishiki, ni mukuru, ayegambire."

Rebeka yaagira ati, "Niinyikiriza." Okucwamu okuhikiire kimwe, kw'ahonaaho. Akahuhamiraho. Ekyo nikyo Ruusi yaakozire. Orupa we akagarukayo.

43 Bakagumizamu orugyendo. Ruusi, omu mutima gwe, atarikumanya ei yaabaire naaza, kureka naashushanisa ekanisa. Nitushuhuuka, nk'Abrahamu. Tuba abagyenzi omu nsi etari yaitu, omu bantu basya.

Kandi yaagumizamu naagyenda, bwanyima yaahika omu kishengye n'omu mwanya ogu Naomi yaabaire naamureetamu. Beitu akashangayo ki? Buri muntu naamuteerateera aha mugongo kandi naagira ati, "Ruusi, twashemererwa kuba naiwe eifo kunu"? Akatunga obutaikirizana. Akatunga ekintu kibi. Akabona akabi.

Kandi ababuurizi abaraakugambire ngu, "A-amagara g'Obukristaayo n'ekitanda kirungi ky'okujarama," naaba naakubeiha nari we wenka takabahoga Mukristaayo. Ensi neekwanga. Kandi n'abantu nibakwanga. Nooteekwa kutoora omuhanda ogw'aba Mukama abakte abarikugaywa, kandi oshekyererwe, bakushungise, nari ekindi kintu kyona. Nooteekwa kuba ow'omutaano. Ozairwe omu nsi endiijo.

44 Omukazi wangye . . . N'oku nda-ndaagarukye kukijuriza; nikireebeka kiri kirungi munonga kukikora. Akambuuza ati, "Ahabw'enki abakazi Abakristaayo batarikujwara ebyo bijwaro nk'eby'abandi bakazi barikujwara?" Naagira . . . Yaagira ati, "Twena turi Abanyamerika, tikwo?"

Naamugarukamu nti, "Ngaaha, sebo."

"Mbwenu, turi baahi?"

Naamugambira nti, "Tituri Bagirimaani, n'obu baakuba Abafaransa, Ababirigi, abantu ba Switzerland, Abaafirika, Abanyamerika, nari abandi boona."

"Mbwenu turi baahi?"

Naagira nti, "Turi Abakristaayo." Omunyamerika naatwaza nk'Omunyamerika, Omugirimaani naatwaza nk'Omugirimaani, ahabw'okuba ogwo n'omwoyo gw'ehanga ryabo. Naitwe twine Omwoyo gw'ehanga ryaitu. Ogwo n'Omwoyo Orikwera kuruga ahari Ruhanga, omu Iguru, kandi nootwaza Nkawe. Naatuma waatwaza nk'oku

barikutwaza ahaiguru Okwo, ahabw'okuba ori ow'Ensi endiijo.

Tutwire omuri Amerika, ago n'amazima. Ekyo n'ekicweka ky'omubiri. Kwonka omwoyo orikututegyeaka, engyesho zaitu, niziruga omu Iguru. Nitubaisibwaho ebirikuruga omu Iguru ahabw'okuba tukazaarwa omu Iguru. Abakristaayo boona baruga omu Iguru. Yesu akagira ati, "Nyowe tindi w'omu nsi. Nyowe ndi ow'omu Iguru. Ku naakubaire ndi ow'omu nsi, engabo Zangye Zikandwaniriire. Kwonka Obukama Bwangye n'obw'omu Iguru." Nikwo na buri muntu ari ozairwe omu Bukama bwa Ruhanga, n'ow'omu Iguru.

45 Hati, nitureeba hati. Twaba nitugumizamu, nitubareeba nibahika omu kuhemuka. Aho niho waahikire, obu waatunga Omwoyo Orikwera? Buzima kikakubaho. Kikambaho. Bakakunshungisa, na buri kimwe.

Kandi, yetegyereze, amagara gakamugumira. Kandi gagumire waaheza kuba Omukristaayo. Ahabw'okuba nooteekwa kuhinduraho orugye omu magara gamwe, g'okugogyera n'eb'y'okweshememeza by'ensi, oze omu gandi magara, g'okwehayo ahari Ruhanga. Nooteekwa kuhinduraho, oze aha rubaju oru.

46 Kandi Ruusi akaba naateekwa kuhinduraho kuruga omu nsi eyaabaire eine eby'okurya bingi, kandi na buri kintu kirikuteebwamu ekitinisa, kuza omu bantu abaabaire nibasheka, nibamushungisa, kuza omu nsi ei yaabaire naahumba omu musiri kubona eky'okurya. Agita omu mwenda gwe agitwara omu ka. Agihuura bwanyima ateekamu eby'okurya, reero we na nyinazaara barya.

Ku yaabaire ariyo, baamanya, ku yaabaire naahumba, nari naaza kuhumba . . . Hati, akasharamu. Okwo nikwo kwabaire kuri okusharamu kwe.

Hati, ekindi kintu eki arikuteekwa kukora n'okuheereza.

Kandi ekyo nikyo Ekanisa erikuteekwa kukora. Ekanisa, waaheza kucwamu, nooteekwa kuheereza. Kuheereza Ruhanga kurugiirira ahari maapu Ye, kurugiirira ahari puraani Ye. Nooteekwa kuheereza Ruhanga.

47 Ruusi, arikucwamu. Hati, Ruusi, naaheereza ahanyima y'okusharamu kwe. Hati yetegyereze akaire kakye. Hati yaaza omu musiri, kuhumba.

Hati, nyina akamugambira; ekyo ni, Endagaano eya Ira erikugambira Ensyia, noomanya. Nyina akamugambira, yaamugira ati, "Twine omunyabuzaare, kandi eiziina rye ni Boazi. N'omushaija omutungi rugambwa. Kandi n'omunyabuzaare wa haihi. Irooko oze omu musiri gwe. Reero obundi . . . Otaza omu musiri ogundi; oze omu musiri gwe."

Omwoyo Orikwera ka naatugambira okutateishuka tukahabira nk'omu kitabo ky'e-ekanisa, nka katiikisimu, kureka kuza omu Musiri gwa Ruhanga, Endagaano eya Ira, Baiburi. Otagira oti, "Kare, nituza kugamba eki. Kandi nituza kugamba eki nk'eshaara. Nituza kugira eki." Gumira kimwe omu Musiri. Gugiremu kimwe, 'habw'okuba Niwe Munyabuzaare wa haihi.

48 Ekigambo kya Ruhanga, Endagaano eya Ira, niyo Munyabuzaare wa haihi ow'Ensyia. Ekanisa eya Ira niyo nyina w'Ekanisa Ensyia, mwareeba, Omukristaayo, omwikiriza. "Otaza omu gundi musiri. Gumira kimwe omu musiri gwe. Kandi obundi, eizooba rimwe, naabaasa kukugirira embabazi."

Kandi eizooba rimwe, Ruusi ku yaabaire ari okwo omu musiri, ogu mushaija muto omutungi, orikwetwa Boazi, omutegyeki, omushaija omutungi rugambwa, yaija, yaamureeba. Oo, Boazi ku yaareebire Ruusi, yaamukunda. Yaateekateeka ngu n'omukazi murungi munonga. Yaakunda engyesho ze. Oijukye, akagira ati, "Nimmanya, kandi n'abantu nibamanya ku ori omukazi w'omutima." Ruusi akasharamu, kurungi kandi ahamize. Ku Yaahikireyo, yaatuura amagara gonyini agu yaagizire ngu naija kutuura.

49 Ahandi, ebiro ebi, nibagira bat, "Nitumanya ngu ori Omukristaayo. Nitumanya ngu ori omushaija wa Ruhanga, 'habw'okuba tihariho muntu weena orikubaasa kukora eby'amahano ebi kureka Ruhanga yaaguma nawe."

Okwo nikwo Nikodemus yaagambiire Yesu, ati, "Rabi, nitumanya ku ori omwegyesa owaarugire ahari Ruhanga. Tihariho muntu orikubaasa kukora ebintu ebi orikukora kureka Ruhanga yaaguma nawe." Kunu, yaabaire Amureeba ashutami aho kandi amanya ebiteekateko byonyini by'omu mitima yaabo.

Omukazi akakora aha kijwaro Kye. Yaahinduka, yaagira ati, "N'oha owankoraho?" Boona bakakyehakana. Yaabuza amaiso omu bateeraine yaagira ati, "Iwe, orwaire ekyejwiso aho, okwikiriza kwawe nikwo kwakukiza."

Yaagira ati, "Tihariho muntu orikubaasa kukora ebyo kureka Ruhanga yaaguma nawe. Nitumanya ngu Okaruga ahari Ruhanga. Titurikubaasa Kukwakiira, ahabw'okuba nibaza kutubinga omu kanisa." Mwareeba?

Ogwo muzaabibu ogubyairwemu, Ow'eishe-emwe West, nk'oku tubaire nitugamba ekiro ekihweire, nibakubinga. "Kwonka, omunda omu mitima yaitu, nitumanya ngu okaruga aha Muzaabibu ogwabandize." Kristo niwe Muzaabibu; itwe turi amataagi. "Nitumanya, ahabw'okuba nitureeba Amagara ago gonyini agari omuri Ruhanga, gari Omuriyiwe."

Ekyo nikyo Boazi yaareebire omuri Ruusi, okwo kusharamu okuhikiire kimwe, ogwo mukazi w'omutima

ayemereire aho. Kandi Boazi yaamukunda.

50 Hati, niinyenda ngu oyetegyereze. Naomi, ekanisa eya ira, yaatandika kushoboororera Ruusi ebiragiro byona ebikwatsire aha diini ye, nk'oku Endagaano eya Ira eri ekicuucu ky'Ensy. Niinyenda ngu mwetegyereze ebigambo ebi hanu.

Hati, niinyenda kworeka ebicuucu. Endagaano eya Ira neeshoboorora Ensy, ku Oraagishome, ahakuba N'ekicuucu ky'Ensy. Hati, ku naakuba ninza aha kisiika kiri, ntakeereebaga, haza nkareeba ekicuucu kyangye, nkaamanya, nkaayetegyereza oku naakubaasa kuba ninshusha. Ku oraabe otarikumanya (iwe) eki Endagaano Ensy eri, shoma eya Ira reero nooza kureeba ekicuucu kyayo. Waareeba? Reero Endagaano Ensy ku erikutaahamu, noogira oti, "Ahabw'enki, buzima, nikyo Eki." Ekitabo ky'Abaheburaayo, kugaruka enyima, Paulo naakishoboorora.

51 Hati, yetegyereze kurungi hati. Ruusi ku yaagambire, nari . . . Naomi akagambira Ruusi, yaagira ati, "Hati, n'omunyabuzaare waitu. Kandi ku araakugirire embabazi, nooza kutunga obuhuumure." Oo, mugyenzi! "Ku oraagirwe embabazi, nooza kutunga obuhuumure." Boazi akaba naashushanisa Kristo, Omushaija omutungi rugambwa, omuhunguzi w'ebintu byona, Mukama w'eigyesha. Oo, mugyenzi! Oku, Boazi ku yaizire aho naavuga, omuri ekyo kigaari, naaranzya oku n'oku omu misiri, amaisho ge gaareeba Ruusi! Akaba ari mukama waagwo. Akaba ari mukama w'eigyesha. Kandi Ruusi akagirirwa embabazi omu maisho ge.

Ekyo nikyo ekanisa erikukora, ebiro ebi. Mukama w'eigyesha yaaba naahingura, Tarikuranzya ebyombeko bihango, eminaara mihango, zaakwaya ezitendekirwe kurungi. Naasherura buri muntu okwe, abashaija n'abakaziabeehairyo kandi abashaziremu kukurata Kristo, abeeyerize Kumuheereza. "Ai Ruhanga, Ninkikiriza, buri Kigambo Kyawe. Ekigambo Kyawe ku kiraagambe ekintu kyona, Ninguma Nakyo kyarimwe. Ekyo n'Ekigambo Kyawe. Ninkikiriza, buri Kigambo." Ekyo nikyo Arikusherura; Mukama w'eigyesha. Ekyo nikyo Arikwenda kuha, Omwoyo Orikwera, ahari abo abaine enjara n'eiriho. "Baine omugisha abagira enjara n'eiriho, ahabw'okuba abo baryaahaaga." Naagyezaho kusherura egoo Kanisa, ebiro ebi.

52 Hati, bwanyima, Ruusi akashabwa kukora ekintu ekyabaire nikishwaza, kwonka akaikiriza ahabw'okuba akaba yaacwiremu. Ka n'ekirkushushanisa omwikiriza! Ka n'ekirkushushanisa ekihikiire kimwe!

Naomi, ekanisa eya ira, akagira ati, "Shuuma, ekiro eki. N'obunaku bw'eigyesha rya sayiri." Oo, ka n'ekiteekateeko kirungi eki twakubaasa kugumaho aho honyini!

Naomi na Ruusi bakaija omu bwire bw'eigyesha rya sayiri. Obwire bw'eigyesha rya sayiri bukaba buri obwire bw'omugaati, obwire obu omugaati musya gwabaire nigugaburwa. Kandi Ekanisa, omu biro ebi eby'aha muheru, ahanyima y'egi myaka enkumi ibiri y'enyegyesa z'ekikaafiiri n'ebindi, etaahiremu omu bwire bw'eigyesha rya sayiri, n'Amagara masya, Omugaati musya, obwoki oburikuruga omu Iguru. (Russell, kyo gamba aha mugaati ogwine ekikoko ky'obwoki!) Nigwo Ogu, Omugaati ogurikuruga omu Iguru. "Niinye Mugaati gw'Amagara. Baashwenkuriimwe bakarya emaanu, kandi baafa. Kwonka Niinye Mugaati gw'Amagara ogurikuruga ahari Ruhanga, omu Iguru. Omuntu ku arya Omugaati ogu tarifa ebiro byona." Kandi Ekanisa omuri ebi biro by'aha mperu hanu, ereetsirwemu, hati hati, omu bwire bw'eigyesha rya sayiri.

53 Ruusi, Omunyamahanga, owaabingirwe, aakahunga, yaareetwamu, kugira ngu ayakiirwe nk'Omugore. Kristo akataahamu, omu bwire bw'eigyesha rya sayiri.

Akagira ati, "Hati jwara ekijwaro kyawe." (Atari, "Ojuure ekijwaro kyawe.") Ka kihindukire ebiro ebi! "Jwara ekijwaro kyawe, ku oraaze kumubugana. Naaza kuheheeza sayiri, ekiro eki. Gyenda ojware ekijwaro kyawe. Oyeshubikye, oze kumubugana."

Ebiro ebi, nibenda kwejweka busha. Jwara. "Shuuma eifo, ahabw'okuba naaheheeza sayiri. Reero oyetegyereze ahu yaabyama." Okakikora? Ahari Gologosa. Emaka mingi ehweire, nkeetegyereza omu mutima gwangye ahu Yaateire amagara Ge, kugira ngu Abaase Kuunyakiira. Oyetegyereze ahu yaabyama. Oreebe ahu Yaabyamire. Ekyo nikyo buri mwikiriza ashemereire kukora. Yetegyereze eki Yaakukoreire. Obutumwa bwa Sande ehweire, aha Kutaayaayira Gologosa, yetegyereze eki Yaakukoreire.

54 Akagira ati, "Yetegyereze ahu yaabyama. Reero ku araaze kubyama, kuhuumuraho, ogyende obyame aha bigyere bye." Atari aha mutwe gwe; aha bigyere bye, toshemereire. "Kandi okwate egyo burangiti" [Ow'eisheemwe Branham yaateerateera Baiburi ye kashatu -Omur.] "ei araabe ayeshwekire, ogikurure ogyeshwekye." Oo, nimukireeba? [Abateeraine baagira bat, "Amiina."] Oo, mugyenzi! Nimmanya ngu nimubaasa kuteekateeka ngu ndi orikurengyesereza. Kwonka ekyo nikimbonerera munonga, ogwo Mwoyo wa Ruhanga. Yetegyereze ahu Yaabyamire ahari Gologosa; ahu Yaabyamire omu kituuro; omuri Gesesemaani. Hetegyereze, reero ogyende nookuruza oze aha bigyere Bye. Obyame aho kandi ofe, weena. Oku . . . [Omwanya oguriho busha aha rutambi rw'amaraka.] Nikyo ekyo. Yeshwekye, weena, n'ekijwaro Kye. Akagira ati, "Ekyo kijwaro," nikwo yaakyetsire.

Reero Ruusi yaagira ati, "Ebi waagamba byona, naaza kubikora."

Oo, ka n'okucwamu okuhikiire kimwe buzima aha mwikiriza! "Eki Baiburi eraagambe, ekyo ninza kukikora. Yaagira eti, 'Mweteise mubatizibwe, omu Iziina rya Yesu Kristo,' ninza kukikora. Ku Eraagire eti, 'Mugyende omu

nsi zonna mubuurire Engiri,' ninza kukikora. Ku eraagambe, kyona eki Eraagambe, 'Yesu Kristo tahinduka, oku abaire ari nyomwabazyo nikwo ariguma ebiro byona.' Eki Erangambire kukora, ninza kukikora." Mwareeba, Ekanisa erikuragiirwa Ekigambo. Akabyama.

55 Hati, mwijukye, ekyo kikaba kiri ekihemu ahari egoy faakazi nto kubyama aha rubaju rw'omushaija ogu, aha bigyere bye. Ekihemu, aha bantu b'ensi.

Oo, nimubaasa kukyemera? [Abateeraine baagira bat, "Amiina." -Omur.] Nkiki hanu. Mureebe. Mureebe. Nikyo eki. Ekanisa, omukazi muto, omushaija muto, abakuru nari abato, nibashabwa kwetaanisa n'ensi, kandi baije omu kicweka, omu Bukama bw'Omwoyo Orikwera, ekyo n'ekihemu aha nsi. Omu mitima yaabo nibamanya eki kyona kirikumanyisa. Kwonka, aha nsi, nibahinduka abarikurengyesereza. Nibahinduka abarikwera abeekuringa ahansi nari ekintu ekiri nk'ekyo, eiziina eririkushwaza. Kwonka Ekanisa neeshabwa kukikora. Oyeteekateekire kwetegyereza ogwo mwanya, kandi okagubyamamu? ["Amiina."] Ab'ensi ka bakwete ekintu kyona eki barikwenda.

Tukaba tweshongora, ekyeshongoro ekyira ira.

Ntandikire kugyenda na Yesu wenka, mwareeba,

Ngire omushego gw'eibaare, nka Yakobo;

Kandi ninza kutoora omu muhanda ogw'aba Mukama abakte abarikugaywa;

Ntandikire na Yesu. Ndiyo ninsingura.

56 Nikyo ekyo. N'obu haakubaho ki, nyeteekateekire kubonabona n'obu abandi baakukora ki. N'obu kyakumanyisa kuhemuka, kikamanyisa kufeerwa eka, kufeerwa-kufeerwa ab'eka, abu orikukwatanisa nabo boona, abaishiki nkunzi zaawe, aboojo nkunzi zaawe, eki kiraamanyise kyona, ninza kugyenda nyenka. Ninja kukwata orugyendo. Mutaahi wangye ku araagire ngu ndi "orikwera oyekuringa ahansi, omupentekoote, nari orikurengyesereza," tindikufayo ebi baraagambe. Tikiine ntaaniso n'emwe ahariinye. Naatandikire. Ncwiremu mpamize, kandi ndiyo ninsingura.

57 Hati, niwe wenka owaabaire naabaasa kumuha obuhuumure, kuruga omuri egoy misiri y'oburuhe bw'okuhumba. Oo, kikaba kirungi munonga, obu Boazi, ku yaamushangire aheeru okwo omu musiri. Tindikubaasa kufeerwa eki. Boazi akamushanga aheeru okwo omu musiri. Yaagira ati, "Reeba." Yaamubuuza ati, "Ori oha?"

Onu yaamugarukamu ati, "Eiziina ryangye niinye Ruusi."

Oo, Omumoabu owaatushuuukiiremu."

"Eego."

"Nkakuhuriraho. Otaza omu ndiijo misiri." Aa! Ekyo ninkikunda. "Otataandika kuruga aha nooza hariya nk'omu miishani. Gumira kimwe hanu omu musiri gwangye. Guma omu gwangye." Akamukunda. "Guma hanu. Guma naanye. Otataandika kuzengyerera hoonahoona. Guma hanu."

Ku oraabe noikiriza Obutumwa, Buramatireho. Waareeba? N'obu kyakwetaagisa kufeerwa ki, Buramatireho. Gumirizamu kimwe. "Kyamanyisa, kufeerwa eki, kiri, nari kiriya. Kandi kikaanyaagisa kureka kunywa amaarwa kwangye, kikaanyaagisa kureka okwiba kwangye, okubeiha. Naaza Kuburamatiraho." Mwareeba?

58 Kandi kikagaruka kyagamba, Boazi yaagira ati, "Hati, tibarikwija kukuteganisa, ababw'okuba naaragiira abatsigazi okutakujuma." Amiina. Ekyo ninkikunda, oburinzi bwe. Ekyo owaakigambire n'oha? Mukama w'eigyesha.

Mwegyendesereze. "Mutakora aha bu Naashukireho amajuta. Mutakora kubi baanabi Bangye." Tikwo kiri? [Abateeraine baagira bat, "Amiina." -Omur.] "Ahakuba buzimazima, nimbagambira nti, haakiri omuntu ogwo okubohwa orubengo ruhango omu bitsya, akanagwa omu nyanja, kukira kureetera omwe ahari aba, abato Bangye kukora ekibi." Ekyo tikwo? ["Amiina."] "Mutabareetera nangwa n'okukora ekibi."

"Naabaragiira okutakukoraho." Oo, reeba egoy nsi! Neehiiganisa. Obwire bwabo buriyo nibwija.

59 Bwanyima yaahika aha batsigazi, abo abandi. Yaabagira ati, "Hati, Ruusi naahumba kugira ngu abeho. Hati, niinyenda ngu imwe abagyesi . . . imwe baamaraiaka," omu bindi bigambo. Ekyo nikyo bari. Yaagira ati, "Niinyenda ngu imwe baamaraiaka, imwe abagyesi, rimwe na rimwe, mumwihire ezindi omu biba, muzitsigye aho mukigydereire." Oo! "Mutakiriza ngu aruhe munonga. Kureka rimwe na rimwe, mumurekye ahurile Obutumwa burungi. Murekye amaan marungi g'Omwoyo Orikwera Gamusangire, rimwe na rimwe, kugira ngu amanye ngu Nkiriho. Ngireho nk'oku naareeta obutambi rwagati Ye. Ngire akamanyiso aku naamworeka nari eky'okutangaaza, kugira ngu Amanye ku Ndi rwagati Ye." Nikyo ekyo.

Timurikukunda kutunga ebyo biba? [Abateeraine baagira bat, "Amiina." -Omur.] Nyine amatsiko ngu hariho ebi twatunga akasheeshe aka, tikwo? ["Amiina."] Ebiba bya sayiri nsya. Mukama akore ekintu eki Yaabaire akora.

Ekintu ekiturikumanya ngu Akora. Niwe Mukama w'Eigyesha. Niwe Wenka orikubaasa kwiha ezindi omu biba. "Nindagiira Baamaraiaka kushuumma eifo omuri orwo ruteerane akasheeshe aka. Niinyenda ngu bakore ekintu nanka, na nanka. Naabaragiira, kandi Nibaza kukikora." Oo, mugyenzi.

60 Hati, hanu, akaba naateekwa kukora ekintu ekirikushwaza, kubyama ahansi, ayetwe ekintu kyona eki baabaire nibenda. Akaba naabaasa kwetwa maraaya, noomanya. Akaba naabaasa kwetwa omukazi w'emicwe mibi, kandi atariwe. Kandi akaba naakuratira ebiragiro byonyini ebi yaabaire ahairwe. N'ahabw'ekyo yaabyama ahansi yaayeshweka, n'eky'okweshweka eki Boazi yaabaire ayeshekire. Ruusi akaza hi? Omu kituuro. Akaza hi? Ahu Boazi yaabaire ahuumuriire.

Aho niho naakitungire.

Ahansi y'omusharaba ahu Omujuni wangye yaafeereire,

Ahansi aho niho naatakiire nkashemezibwaho ekibi,

Aho aha mutima gwangye Eshagama ekateebwaho.

Hariho enshuro ejwire Eshagama

Erikuruga omu mitsi ya Emanuel;

Abasiisi ku beejabika omu mwegyemure ogwo,

Baihwaho ebibi byabo byona.

61 Yetegyereze omwanya ogu Yaabyamiremu, naiwe obe nigwo waabyamamu Nawe. Oyeteekateekire kuza Gologosa, akasheeshe aka, nk'oku naagambire Sande ehweire? Waayetegyereize ogwo mwanya omu magara gaawe? Waahikire omuri ogwo mwanya ogu Yesu yaabambirwemu?

"Oo, ekyo nitukisiima." Kwonka shi okubambwa kwave kwo? Oyeteekateekire kwetwa eiziina eririkushwaza, nk'okwetwa orikwera oyekuringa ahansi, omunyadiini orikurengyesereza, nari ekindi kyona, kyona eki waakurabamu?

Ogwo mwanya waagwetegyereize, nikwo ozeyo obyame Nawe, ogire oti, "Mukama, ndi aha"? Reero okore ki? Okurure ekyo kyeshweko eki Yaabaire ayeshekire, okyeshwekye.

62 Rimwe omukazi akagambira Mukama waitu ati, "Mukama, ragiira batabani bangye bombi, omwe ashutame aha rubaju rwa buryo, n'ondi aha rwa bumosho, omu Bukama.

Yaagarukamu ati, "Nimubaasa kunywa aha kikopo eki Ndaije kunywaho?" Okwo n'okuhiigwa okushambire.

"Eego."

"Kandi nimubaasa kubatizibwa okubatizibwa oku Ndikubatizibwamu?" Byama ahansi, kurura ekyeshweko nikyo kimwe okishwekye omukazi.

Eliya akatwarwa omu iguru. Kandi Eliya yaanaga ahansi ekyeshweko nikyo kimwe eki yaabaire aine, kushweka Elisa n'emigabo ebiri y'Omwoyo gwe. Ekintu nikyo kimwe, kureka n'emigabo ebiri kwonka. Amaani nigo gamwe; tihariho ekindi. Tihariho ekindi, tihariho ekirikukira ahari ekyo; kureka emigabo ebiri Yaagwo.

63 Nka Musa, ku yaaruhire, ishezaara yaamugambira, yaagira ati, "Nooyerusya. Shaba Ruhanga aihe aha Mwoyo ogu oine amute aha bandi." Reero yaashaba.

Reero Yaakwata Omwoyo Yaamuta ahari makumi mushanju, abandi, reero makumi mushanju baatandika kuragura. Bakaba bataine amaani agarikukiraho. Bakagira abakozi baingi. Nikyo ekyo kyonka. Ekintu nikyo kimwe, bakagira abakozi baingi.

Okwo nikwo kiri, ebiro ebi. Omuntu omwe tarikubaasa kukikora. Ruhanga aine abakozi Be abarikukora hoonahoona, kwonka n'amaani gamwe; amaani gamwe, Omwoyo Orirkwera omwe, Yesu omwe.

64 Hati, Ruusi akakwata burangiti, Omwoyo Orirkwera, ku yaafiire aha by'ensi. Yaayetegyereza ahu yaafeereire, ahu yaabaire abyami kuhuumura. Reero yaabyama, kandi yaakwata burangiti eyaabaire emushwekire yaagikurura yaayeshweka. Ogwo mushaija yaasisiimuka, yaagira ati, "N'oha ori aho?" Yaagamba . . . Yaagarukamu ati, "Niinye Ruusi, Omumoabukazi, omuzaana waawe."

Atyo yaimuka. Yaagira ati, "Naayetegyereza kandi naamanya ku ori omukazi w'omutima." Amiina. Oo! Ekyo tikirikutuma orutetema rukye rwaraba omu magara gaawe? [Abateeraine baagira bat, "Amiina." -Omur.] "Ori omukazi w'omutima."

65 Beitu akamugarukamu ki? "Kwonka ori omunyabuzaare wa haihi." Amiina. "Ori omunyabuzaare wa haihi. Noobaasa kukinkorera. Noobaasa kumpuumuza. Naija hanu kandi naabyama aha, t'okugira ngu ndi omukazi

maraaya. Naabyama hanu, kutari okwelyoreka; kworeka abantu ngu nimbaasa kugamba omu ndimi, kworeka abantu ngu nimbaasa kuzinira omu Mwoyo, kandi n'okworeka abantu ngu nimbaasa kuteera akaari. Kureka naija hanu ahabw'okuba ori omunyabuzaare wa haihi. Kutari okworeka ngu nimbaasa kukora ekintu ky'amaani; kwonka muri abanyabuzaare bangye. Naija ahabw'okuba ori omunyabuzaare wa haihi, kandi niiwe wenka orikubaasa kuncungura.”

Nooreeba emiteekatekyere y'o-owaahinduka akaija ahari Kristo, akaija omu Kanisa? Waareeba? Waareeba? “Niiwe munyabuzaare wangye wa haihi.”

Boazi yaagira ati, “Ori omukazi w'omutima. Kandi ndi omunyabuzaare waawe wa haihi. Hati, yeshwekye. Byama okuhitsya obu buraasheeshe.” Hyu! “Iwe fa kweshweka egwo burangiti. Ndi omunyabuzaare waawe. Byama aho okuhitsya obu buraasheeshe, ohuumwire.” Amiina. Amiina. “Ndi omunyabuzaare waawe wa haihi. Ruhuuka!” Amiina.

66 Ku bwaseesire, enyima munonga butakatagurikaine, akarunda ekirundo kihango munonga kya sayiri, encuro mukaaga, ningira ngu nizo, kandi yaazishuka omu mwenda gwe-gwe mukye atyo yaataaha.

Reero-reero Naomi yaagira ati, “Mwana wangye.”

Waaheza kwimuka aha itambiro, okagarukayo. “Hati n'enki ekirikuza kubaho, maama? Ekirikuza kubaho hati niki?” Amiina.

“Ekihuumuro.” Amiina. “Huumura, Ruusi, ahabwokuba ogwo mushaija tarikwija kuhuumura atakashashwire omuhendo gwona gw'obucunguzi.” Amiina. Amiina. Aho honyini niho mpamiire. Amiina. Tarikwija kuhuumura atakashashwire omuhendo gwona gw'obucunguzi, kukucungura, byona ebi waaburize, buri kintu eki waabaire ori.

67 Hati mwijukye ekiragiro ky'obucunguzi, obwo turiyo nituhika aha kuhendera, kuhika aha muheru gwa saaviisi. Ekiragiro kyona ky'obucunguzi n'eki, ngu, omuntu atakacungwire ekintu ekyabuzire, akaba naateekwa kuba ari omunyabuzaare wa haihi munonga. Kandi ekindi kintu, akaba naateekwa kuba omuntu ohikire, omuntu ohikiriire, kukikora. Kandi akaba naateekwa kuba aine esente ezirkugasha, kukikora. Kandi ekindi akaba naateekwa kukikorera omu maisho ga boona kworeka ngu yaakikora. Reero kuruga obwo n'okugumizamu, kikaba kiba ekintu kye.

N'ahabw'ekyo hati reeba. Boazi akaba naashushanisa Kristo. Hati, Ruusi akaba naashushanisa Ekanisa, iwe, omwikiriza. Kandi hati, Ruhanga, omu Ndagaano eya Ira, omuringo gwonka ogu Yaabaire naabaasa kwija kandi akacungura ekyabaire kibuzire, Ruhanga akaba naateekwa kuba omunyabuzaare w'omuntu. Kandi omuringo gwonka ogu Ruhanga yaabaire naabaasa kubamu omunyabuzaare w'omuntu, kukaba kuri okuba omwe aharibo. Amiina.

68 Tindikwikirizana na Billy Graham, aha baperesona bashatu abatarikushushana omu Bwaruhanga, nari ondijo mwegyesa weena wa tiriniiti, ahari ekyo. Niinyikiririza omuri tiriniiti, tihariho kubanganisa, kwonka atari omuri ogwo muringo, ngu abo n'abaperesona bashatu. Bo n'Omwe. Ebyo bigambo aho, byonka, bikaba bitarikumanyisa ekindi kyona kureka ekyo, bikaakihamize.

Ruhanga akaba omuntu. Akaba naateekwa kuba omunyabuzaare. Kandi Akaba atarikubaasa kuba Ruhanga, naitwe turi abasiisi, ebihangirwe ebi Yaahangire, abantu abaahangirwe abu Yaahangire, 'habw'okuba tukaba tutarikubaasa kuba abanyabuzaare aho. N'ahabw'ekyo, Ruhanga akaba omuntu, kugira ngu omuntu abaase kuba Ruhanga, abew'okuba Ruhanga akaba omunyabuzaare obu Yaajwara omubiri gwaitu, akazaarwa omukazi. Ruhanga! T'omuntu ondijo; Ruhanga, We wenka.

Ebaruha y'okubanza ya Timoseo 3:16 nihagira hati:

... tihariho kubanganisa enaama (y'obwaruhanga) ni nkuru buzima: ahakuba Ruhanga Akoorekwa omu mubiri, ... Ruhanga!

Bwa mbere na mbere hakaba hariho Kigambo; Kigambo ogwo akaba atuura na Ruhanga; kandi Kigambo akaba ari Ruhanga.

Kigambo ogwo yaaba omuntu, ...

70 Kigambo, yaaba omuntu, yaaba omunyabuzaare. Akaba omuntu. Oo! Akaba okufa, kugira ngu okurabira omu kufa Kwe mbaase kuba Amagara. Akaba omusiisi, kugira ngu okurabira omu kuhikiirira Kwe mbaase kuba ... ngire Amagara. Akaba omworo, kugira ngu nyowe, okurabira omu bworo Bwe, mbaase kuba omutungi. Akaba eki naabaire ndi, kugira ngu mbaase, okurabira omu mbabazi Ze, mbe eki Ari. Oo, mugyenzi! Reero, kyo gamba aha

maani ga Ruhanga! Hati, ebyo buzima n'Ebyahandiikirwe. Kandi okwo nikwo Ebyahandiikirwe birikugira.

Nikwo tubaase kuba . . . Ka ni rukundo, ei Isheboona yaatukunzire, yaatukunzire, ngu itwe abaabaire bari abasiisi, abanyamahanga, turi hare na Ruhanga, kugira ngu tubaase kwirizibwa haihi na Ruhanga, okuhitsya obu tubaire batabani na bahara ba Ruhanga, atari abahuuku. Ekanisa y'Abanyamahanga tekabahoga muhuuku. Ngaaha, sebo. Ekanisa y'Abanyamahanga n'omutabani n'omuhara. Muri batabani na bahara ba Ruhanga, abahairwe Omwoyo Orikwera. Hati, ku oraabe ori ow'ekibiina kya Orupa, haza okagarukayo? Kwonka ku muraabe mugumiizemu kuhika aha Mwoyo Orikwera, nimuba abatabani n'abahara, hati, abatabani n'abahara.

71 N'oha oine obushoboorozi oburikukirayo omu maisho ga Ruhanga? Maraika niki? Maraika n'omuheereza. Ekyo tikwo kiri? N'abaheereza Be. Iwe ori ki? Ori mutabani na muhara We. Mbwenu, n'oha oine obushoboorozi oburikukirayo omu Iguru, omusiisi ojunirwe ahabw'embabazi, nari Maraika omukuru oyemereire aha mukono Gwe gwa buryo? Omusiisi, ojunirwe ahabw'embabazi, aine obushoboorozi bwingi omu Iguru okukira Maraika omukuru oyemerera aha mukono Gwe gwa buryo, ataine kibi, 'habw'okuba n'omwana. Omwana aine obushoboorozi bwingi oburikukira obw'omuheereza, tihariho kubanganisa.

Oo, twebwa eki turi. Emirundi mingi, twebwa, ekyatuhindwire eki turi. Ku tuheza kuba eki turi, bwanyima twebwa oku twahikire hanu. "Kunu Ruhanga We wenka . . ."

Oo, ka ni rukundo y'omuhendo ei Isheboona

Yaakunzire oruzaaro rwa Adamu orwagwire;

Akahayo Omwana We nyamunegyere kureeba enaku

Kandi yaatucungura ahabw'embabazi Ze.

Oo, kuri nitukimanya!

Rwagati y'enkir z'amabaare ezirkwetika n'omwirima ogushwekeire ensi

Omujuni wangye akainika omutwe Gwe yaafa;

Okutaaguka kw'omukingo kukashuuura omuhanda

Kuza omu kushemererwa kw'Eiguru na nyomushana etahwaho.

Mpamiire ahari Kristo, Orukiri orugumire;

Ahandi hoona n'omusheenyi ogurikutobera.

Ku ndanzya omusharaba ogurikutangaaza

Ahu Mukama w'Ekitiinisa yaafeereire,

Ebibi byangye byona mbibara nk'ebitaine mutambo.

Ekyo kihikire. Omuntu omwe akagira ati:

Obu yaabaire Ahuriire, Akankunda; omu kufa, Yanjuna;

Ku Yaaziikirwe, Yaatwara ebibi byangye yaabita hare munonga;

Omukuzooka, Akanyihaho orubanja ahabwa busha ebiro byona;

Ekiro Kimwe Aryaija. Ka n'ekiro ky'ekitiinisa.

72 Kitwire kiri ekyeshongoro ky'Ekanisa. Niho Etwire ehamiire. Nigwo gutwire guri omutima Gwayo. Ensi egi eyogiibwe n'Eshagama y'ogu Munyabuzaare Omucunguzi, kucungura oruganda rwa Adamu orwagwire.

Yetegyereze, Ngugu hanu, Omunyabuzaare Omucunguzi. Hati, ekintu ky'okubanza, Akaba naateekwa kuba omuntu oshemereire. N'oha owaabaire ashemereire kukira Kristo, kukira Yesu? Kandi, ekindi kintu, Akaba naateekwa kugira esente. Akaba naateekwa kuba naabaasa kukikora. Iguru rikaba riri Erye. Akahamyu ku Naabaasa. Akaba naabaasa kukwata emigaati etaano n'ebi'enyanja bibiri, kandi abiriisaabantu enkumi itaano, batoorotoora ebitenga bitaano by'oburagarika, bwanyima. Akaba naabaasa kucunda amaizi kugaiha omu iziba kandi agahinduramu viinyo. Akaba naabaasa kukwata eky'enyanja omu nyanja, aihamu ebinushu by'ezaabu, omu kanwa kaakyo. Amiina. Akaba Atari . . .

Kwonka Akaba omworo, tiyaagira n'ah'okuta omutwe Gwe. Akaba Omunyabuzaare. Ti Munyabuzaare aha batungi; Omunyabuzaare aha bantu boona. Akaza omu mwanya gw'omucunguzi.

73 Bwanyima akaba naateekwa kukora ki? Bwanyima akaba naateekwa kworeka muranga. Akasheeshe akaakuratsireho, Ruusi akagira . . . Nimmanyisa Naomi akagira ati, "Huumura, Ruusi. Buri kintu kyaza kuba gye

hati, ababw'okuba waagirirwa embabazi omu maisho ge."

Ai Ruhanga, nyikiriza nkore ekyo. Nyikiriza ngirirwe embabazi omu maisho Ge. Reero ku burisheesha:
 Enzamba ya Mukama ku erigamba, kandi obwire butakiriho bundi,
 Kandi ku burisheesha buri Obutahwaho, nihamurinkana kandi harungi;
 Obu abajunirwe b'omu nsi bariteeranira seeri,
 Amaziina ku garyetwa seeri, ndyaba ndiyo.
 Mpuumwire hati, ntegyereize okucungurirwa kimwe.

74 Yetegyereze, Mwine, o-omukwato Gwe, hati. "Nkatwara omu ka umunagiro gwona ogwijwire sayiri. Ei naihire okwo." Boazi akagimuha, yaagipima, encuro mukaaga. Mukaaga, kikaba nikimanyisa, "emyaka enkumi mukaaga ei ensi emazire." Ekiro ky'omuntu ni mukaaga. Omuntu akahangwa aha kiro kya mukaaga. Nihaija kubaho emyaka enkumi mukaaga ei ensi yaahangiirwemu, omu mwaka gw'enkumi mushanju Ruhanga akahuumura. Emyaka enkumi mukaaga Ekanisa eryarwanisa ekibi, n'Amaani ga Ruhanga g'egi migaaati ya sayiri, bwanyima eze omu Kihuumuro Ekitahwaho. Kihikire. Kuhuumura, kutegyereza. Encuro mukaaga za sayiri nungi ezi yaataire omwo, z'okumubaisaho okuhitsya omu bwire bw'okucungurirwa kimwe. Nshemereirwe munonga kubwesiimiramu.

75 Hati, jubajuba, ka tuhikye aha muheru gwaryo. Hati nitureeba, hati, ngu, akasheeshe akaakuratsireho, Ruusi ku yaimukire, akaba ashemereirwe, ategyereize. Bwanyima ogwo mushaija yaija. Yaashuumu eifo. Boazi akaba aine ondijo munyabuzaare buzima owaabaire naikirizibwa kushwera ogwo mukazi, okubanza. Ekyo nyine obwire bw'okukishoboorora? [Abateeraine baagira bat, "Amiina." -Omur.] Kare, edakiika emwe yonka, reero tugambeho ekicweka kyakyo, oku biri kwona.

Ogwo ondijo omu rufumu, owaabaire akwineho orusa, akaba ari Sitaane, 'habw'okuba okaba waaherize kushiisha. Kandi okubanza okaba ori owe, 'habw'okuba, okaba ori ekintu kye. "Ahakuba okazaarirwa omu kibi, waahangirwa omu kutahikiirira, waija omu nsi noogamba ebishuba." Kandi akaba atarikubaasa kukicungura. Waareeba? Akaba atarikubaasa kukicungura. N'ahabw'ekyo Kristo akaija yaaba omuntu, kwihamo ebibi byaitu, kutucungura. Nimukireeba? [Abateeraine baagira bat, "Amiina." -Omur.] Kandi omushaija ori akaba atarikubaasa kukikora. Sitaane akaba atarikubaasa kufeera ebibi, ababw'okuba niwe musiisi wenyini owaaretsireho ekibi. Waareeba? Akaba atarikubaasa. Akaashiisha obuhunguzi bwe, ondijo ori. Kandi Sitaane akaashiisha obwe, ababw'okuba ni daimoni. Akaba atarikubaasa kuba ondijo daimoni, kwihamo daimoni, daimoni w'okubanza. Akaba atarikubaasa kuhinduka ekibi, 'habw'okuba akaba yaaherize kuba ekibi. Kwonka, Kristo, ababw'okutagira kibi, akahinduka omusiisi. Akaba naabaasa kutucungura. Haleluya! Tucungwirwe. Tucungwirwe, nikimanyisa, "kugarurwa." Tucungwirwe.

76 N'ahabw'ekyo, akasheeshe akaakuratsireho, kandi akaba naateekwa kukikorera omu maisho g'abantu boona. Akashuumu yaabugana ogu mushaija aha irembo, omu maisho g'abakuru b'oruganda. Kandi kikaba nikiteekwa kukorera omu maisho g'abantu boona. Reero yaamureeba omu maisho. Yaamubuuza ati, "Noobaasa kumucungura"? Hati, ku kiraabe kyabaire nikimwetaagisa kubanza yaacungura Naomi, kugira ngu abone kutunga Ruusi; na Kristo kikaba nikimwetaagisa kucungura ekanisa y'Abayudaaya, okubanza, kugira ngu abone kutunga Omugore w'Omunyamahanga. Ruusi akataahamu na Naomi, nk'omunyamahanga kuruga omu nsi endijo, Omumoabu, omukaafiiri. Ekyo nikyo twabaire turi, Abanyamahanga, abakaafiiri. Kandi mwijukye, Boazi akaba akaba naateekwa kutunga Naomi. Kandi ku yaatungire Naomi, akatunga byona ebyabaire biri ebya Naomi.

77 Mwijukye, Kristo ku yaizire, taragambire aha Kanisa y'Abanyamahanga. Kikaba kiri, gyenda ahari Abe, "Akaija aha baabaire bari Abe. Abaabaire bari Abe Tibaamwakiira." Burijo Akaba aza aha baabaire bari Abe. "Mutariza omu banyamahanga. Mutaza omuri Samaria, kureka mugyende omu ntaama ezaabuzire z'Abaisraeli. Mwaba nimugyenda, mubuurire Engiri, mukize abarwaire, muzoore abafu, mubingye baadaimoni. Mukaheerwa busha, naimwe muheere busha." Tikwo kiri? [Abateeraine baagira bat, "Amiina." -Omur.] Akabatuma, babiri babiri. Mubanje kugyenda . . . Kandi Akaba naateekwa kucungura egoo kanisa. Kandi ku Yaacungwire egoo kanisa, Yaatunga Omugore Omunyamahanga. Amiina. Okwo nikwo kwabaire okuramuza omuri ekyo. Mwareeb? Akatunga Omugore ku Yaacungwire ekanisa.

78 Hati, Boazi, akaba naateekwa kworeka muranga . . . Akamubuuza ati, "Noobaasa kumucungura?"

Onu yaagira ati, "Ngaaha."

N'ahabw'ekyo akaba naateekwa kukikorera omu maisho ga boona. Akajuuramu enkaito ye, yaagimurekyerera. Yaagira ati, "Nikyo ekyo. Ka Israeli yoona emanye ngu naacungura Naomi, kandi nabwo nkawtware na Ruusi." Amiina. "Naatwara Ruusi kuba omugore wangye." Akaba ari oha? Mukama w'eigyesha. Amiina. Ngugwo aho. "Naacungura Naomi, kandi naatwara Ruusi. Kandi Ruusi naija kuba omugore wangye."

Bakagamba ki? "Ngu abe nka-nka Lea na Rakeeli n'abandi, azaare enkumi n'enkumi," kandi akabazaara, ekyo kihikire, "omuri Israeli. Ninshaba ngu abe atyo." Kandi, reeba, akagyeza, akakyoreka muranga.

79 Yesu akakora ki, kukikora? Akooreka muranga. Kandi, Sitaane akaba atarikubaasa kufeera ebibi ahaw'okuba akaba ari omusiisi. Niwe ishe w'ekibi. Kwonka, Yesu, Ogwo otaine kibi, Ruhanga w'Eiguru, Owaabaire atashemereire kufa, akaija kandi yaayoreka muranga kurabira omu kufa, yaahanikwa rwagati y'eiguru n'ensi. Yaakikorera omu maisho ga boona; Baamujuura ebijwaro Bye, yaahanikwa rwagati y'eiguru n'ensi, yaahemuka. Kandi yaafa, orufu rw'omusiisi, rw'okuhemuka, kutucungura. Kikoorekwa muranga! Amiina.

Akakora ki? Akajuura okuhikiirira Kwe; yaajuura ekitiinisa Kye. Yaajuura . . . "Nyine obushoborozi. Nkaagambiire Tata, ahonaaho Anyoherereza legioni makumi abiri za Baamaraika." Bakaabaasize kuhindura embeera. Maraika omwe akaabaasize kukikora. Akaabaasize kweta legioni makumi abiri. Abo bakaabaire nka Baamaraika emitwaro ena. Bakaakozire ki? Akagira ati, "Nkaabaasa kugambira Tata, ahonaaho, ekyo nikimanyisa hati hati, Anyoherereza legioni makumi abiri. Legioni za Baamaraika nizija hanu kandi zitereeze egi mbeera." Omwe akaakozire ki? Omwe akaacwekyereza ensi, omu sekenda emwe. Iwe reeba, Akaba aine enkumi n'enkumi ezaakubaasize kwija. Mwareeba? Kwonka ekyo akakijuura. Ekyo akakita aha rubaju. Akata ekitiinisa Kye kyona, buri kimwe, aha rubaju, atyo yaaba omusiisi reero yaafa ahawwangye naiwe.

80 Hati, omu kuhendera, nitubaasa kugamba eki, omu kuhendera. Akakora-ekyo akakikora. Reero Boazi yaatwara Ruusi, yaamutaasya. Kandi Ruusi yaazaara omwana w'omwojo orikwetwa Obedi. Obedi niwe ishe wa Yese. Yese niwe ishe wa Daudi, owaabaire ari ishe wa Kristo, amiina, ishe wa Mukama Yesu.

Timurikureeba? Kurabira omuri okwo kuhikiirira, kurabira omuri okwo kucwamu okuhikiire kimwe, Akaba Omunyabuzaare Omucunguzi waitu. Ruhanga akaba omunyabuzaare waitu, obu yaashuumu ahansi akahinduka nkaitwe, abantu, akaitwa enjara, akaitwa eiriho. "Naagira eiriho. Mumpe eky'okunywa." Reero Baamuta viinyo erikushaariira nk'endurwe, omu kanwa. Akagira eiriho nk'oku turigira. Akaba naamanya kubaho ataine eki aine.

Akaba arwara nk'oku turwara. Akagira ati, "Tibaribura Kuncwera egi nfumu eya ira bat, 'Iwe mufumu 'we, oyetambire?'" Kwonka amaani Ge maingi gakaba gatari Age ahabwe. Akaba aine amaani g'okukikora, kwonka akaba atarikubaasa Kugeekozesaho. Ngaaha.

81 Omuntu omwe akangambira, ekiro kiri, yaagira ati, Ow'eishe-emwe Branham, ekintu kyona kitakabaireho, noomanya byona ebirikuza kukubaho."

Naagira nti, "Ekiconco ti ky'okunyamba. Tindikubaasa kukyekozesaho." N'ekyanyu. Niimwe abarikugasirwa, tiinye. Nyowe ndi omuheereza wa Ruhanga aha bantu boona, ahariimwe.

Omubuurizi n'omuheereza w'abantu boona. We naagumaho. Nk'eirebe ry'omu ishwa, ekijunjuuri kigurukiraho, kitunga omugabo gwakyo. Orujoki rw'obwoki ruguruka rutunga ogwarwo. Omuhinguzi atunga ogwe na buri kimwe. Nirikora munonga, nyomushana na nyekiro, kugira ngu rigume niryangaashana. Kandi n'omubuurizi w'Engiri nikyo akora; agyendera omu muhanda gwa Ruhanga. Obujurizi bwe aburinda buguma buri obw'amazima, kugira ngu abantu b'ensi babaase kukwatanisa nawe, mwareeba, Omw. Omuriisa Eirebe. Ni murungi. Yesu akagira ati, "Muryetegyereze. Sulemaani tari nkaryo." Ekyo kihikire. Dokita Eirebe, ningira ngu mwena nimumumanya. Mwareeba?

82 "Mwetegyereze amarebe g'omu ishwa, oku gatakora murimo n'obu kwakuba okuruka emyenda. Nimbagambira, kandi, nabwo nti, Sulemaani, omu kitinisa kye kyona . . ." Eirebe niriteekwa kuhanda bunaku, nyomushana na nyekiro, kutunga okwangashana kurinda ebijwaro byaryo, kurinda omugaju n'ebindi ngu bigumizemu omu maisho. Kandi abandi . . . Niryejanjamura reero barirabaho barihamu ebi barikwenda. Orujoki hamwe n'enshohera, na buri kimwe, birirabaho, bibi nari birungi, biriihamu ebi birikwenda.

Okwo nikwo omuheereza wa Kristo ari, Omukristaayo omuheereza; naayeyanika agira ati, "Iwe nsi 'we, iha ahariinye." Tihariho ekye ahabwe. N'eky'abandi. Ekyo nikyo Kristo yaabaire obu Yaaba omunyabuzaare waitu. Akaba omuntu, kugira ngu ensi ebaase kutunga okuhikiirira Kwe, mwareeba, reero bahindurwe abaana ba Ruhanga.

83 Hati, bakakora ki? Bakataasyana, kandi okurabira omuri ekyo haija ekintu kikuru eki. Bwanyima Ruusi yaaheebwa ebihembo, ahaw'okutunga Kristo . . . nimmanyisa kutunga Boazi kuba iba. Kandi, Ekanisa neeheebwa ebihembo, obu Okwija kwa Mukama kuribaho, omuri ako kasheeshe akarikumurinkana kandi akataine bicu. Tuuhumwire, tutegyereize hati. Kiryabaho. Hati, ahaw'enki? Ecungwirwe.

84 Hati, ka njurizeho ekindi kimwe ntakagyenzire, kutandika orunyiriri rw'ab'okushabirwa. Ka njurizeho ekindi kimwe. Nsherwire, akasheeshe aka, ekigambo okucungura. Na . . . Munsaasire, ab'eishe-emwe aba Arminia bagyenzi bangye, kwonka eki ninEEKWA KUKITAASYAMU; kutari okubashaasha, kureka kutuma mwateekateeka. Sherura eki obucunguzi kirikumanyisa. Obucunguzi, buzima kikaba nikikozesibwa, omu kigambo ky'Orugriika, okwiha omuhuuku omu katare. Tindikubaasa kugaiturura ekyo kigambo ky'Orugriika hati hati, kwonka nikimanya, "kwiha omuhuuku omu katare," okucungura.

Omuntu yaakora ekintu kibi, n'ahaw'ekyo, we, mukama we akaba amuguza omu buhuuku, buzima amuguza kufa. Kandi ari omu katare. N'omuhuuku. Kwonka omuntu aije aho, omuntu oshemereire orikubaasa kukikora, reero areebe omuntu ogu, kandi ogwo muhuuku agirirwa embabazi omu maisho ge. Amucungure. Ekyo nikimwiha omu katare k'abahuuku, kandi amwetwarira. Yetegyereze. Kandi ogwo muhuuku, yaaheza

kucungurwa, takaabaasa kugaruka kuguzibwa omu katare na kakye. Amiina. Takaabaasa kugaruka kuguzibwa. Naateebwaho akamanyiso. Kandi ku araabe yaateekateekirweho ekirikugasha, obwire bumwe, kucungurwa, tihariho n'omwe orikubaasa, na kakye, kugaruka kumuguza nk'omuhuuku.

85 Oo, Ruhanga asiimwe, ngu omuntu ku aheza kwija ahari Kristo kandi akacungurwa n'Eshagama y'omuhendo, Sitaane tarikubaasa kugaruka kukuhindura omuhuuku na kakye. Orinzirwe omu Shagama ya Yesu Kristo kuhitsya aha kiro ky'okucungurirwaho kwawe. Omuhuuku, kisherure omu kitabo ky'Okuruga, oreebe ebyo ku biraabe bitari ebiragiro by'Abaleevi. Nimmanyisa, omu kitabo ky'Abaleevi, oreebe ebyo ku biraabe bitari ebiragiro. Omuhuuku, ku yaabaire aheza kucungurwa, akaba atarikubaasa kugaruka kuguzibwa nk'omuhuuku. Ekyo kihikire.

Oo, nshemereirwe munonga! Nshemereirwe munonga kumanya ngu Omunyabuzaare Omucunguzi waitu, ngu Ruhanga w'omu Iguru, Owaabaire ari Omwoyo, akaija omu nsi kandi yaaba omuntu; yaahinduka nkaanye, yaahinduka nkaiwe; yaajwara omubiri gw'ekibi, atarikumanya kibi, kugira ngu ebibi byaitu Bimuzeho; kandi yaaba omunyabuzaare waitu, yaakyoreka muranga omu kufa, naashashura omuhendo gwona.

Kandi Omwoyo wa Ruhanga yaagaruka yaaha obujurizi. Hekalu ekataagukamu ebicweka bibiri, omukingo, okuruga aha mutwe okuhika ahansi. Atari okuruga ahansi okuhika aha mutwe, kureka okuruga aha mutwe okuhika ahansi; kikooreka ngu akaba ari Ruhanga, We wenka, owaagutaagwire hakaiguka, kuruga omu Iguru. Akagutaagura kuruga aha mutwe kuhika ahansi, kandi yaiguraho omuhanda. Kandi ah'okutambira ebitambo hakajuumikwa, n'emirabyo yaatyankana omu mwirima, iguru riine ekiniga. Eizooba ryashwekwa omwirima omu ihangwe. Enyonyoozi zaayanga kwaka. Kandi buri kintu kikaha obujurizi kiti, "Twacungurwa." Haleluya!

86 Reka tushabe. [Ow'eishe-emwe yaagamba obunabi -Omur.]

Hati mwinikire emitwe yaanyu, akaanya kakye. Okwo kwaba kuri okugamba obunabi, kugambira ekanisa, ahanyima y'Obutumwa.

Hati hanu ku haraabe hariho bamwe Abatarikumumanya, amagara gaawe gatatereire, hati nooshabwa kwija okeemerera hanu omu maisho g'abateeraine aba, omu maisho ga Ruhanga, Kumwakiira nk'Omujuni waawe. Amaizi g'okubatiza gari omu kidiba. Ku haraabe hariho oyeteekateekire kutandika saaviisi y'okubatiza, ahonaaho.

87 Tukiinikire emitwe yaitu, twaza kutwara akaire kakye hati nitweshongora Niinyeshwijuma. Mwinikire emitwe yaanyu hati.

Niinyeshwijuma, eego, niinyeshwijuma,

Nyeheereyo kimwe, n'obu abandi baakukora ki;

Ntoore omu muhanda gw'abaktee aba Mukama abarikugaywa;

Ntandikire kugyenda na Yesu, kandi niinyeshwijuma.

Niinyeshwijuma, eego, niinyeshwijuma. Ni . . .

Buzima hati nookimanyisa? Ku oraabe nookimanyisa, rugayo hanu oyemerere.

. . . n'obu abandi baakukora ki;

Ntoore omu muhanda . . .

Oyeteekateekire kuramatiraho, nka Naomi owa ira?

Ntandikire kugyenda na Yesu, kandi niinyeshwijuma.

Om u nju y'amitungo omuri Betelehemu hakarugamu Omugyenyi,

Om u nsi niinyetenga kuba Nkawe;

Orugyendo rwona rw'amagara kuruga omu nsi kuza omu Kitiinisa,

Ninshaba kuba Nkawe kyonka.

Kuba nka Yesu, . . .

Nooyenda kuba nk'Omucunguzi waawe?

. . . nka Yesu,

Om u nsi niinyetenga kuba Nkawe;

Orugyendo rwona rw'amagara kuruga omu nsi kuza omu Kitiinisa,

Ninshaba kuba Nkawe kyonka.

Omurikire, Mukama, omurikire,
 Ogwo Mushana ogurikuruga omu nju y'Omushana gumurikire;
 Omurikire, Mukama, omurikire,
 K'Omushana ogurikuruga omu nju y'Omushana gumurikire;
 Kuba nka . . .

Hariho ondijjo weena ou okaayenzire ngu obe nkawe, atari We? Tihagira ondijjo owaija hanu akatsimba amaju n'ogu mukazi muto, nk'oku atsimbire amaju? Kucwamu, nka Ruusi owa ira, kucwamu akasheeshe aka.

. . . Nkawe,
 Orugyendo rwona . . . nsi kuza omu Kitiinisa,
 Ninshaba kuba Nkawe kyonka.

Kuba nka Ye- . . .

Ondijjo muntu aije hati. Tambura oije hanu otsimbe amaju, nk'oku omukazi ogu hanu yaakora. Waatandikire? Noobaasa kuta engaro zaawe omu Ze?

Niinyetenga kuba Nkawe;
 Orugyendo rwona kuruga omu nsi kuza omu Kitiinisa,
 Ninshaba kuba Nkawe kyonka.

[Ow'eishe-emwe Branham yaatandika kweshongora abumbure eminwa Kuba Nkawe -Omur.]

88 Tataitwe ow'omu Iguru, nk'oku ekanisa eriyo neeyeshongora ebumbire eminwa ekyeshongoro eki, "okuba nka Yesu," omukazi ogu, akasheeshe aka, yaarugayo, nka Ruusi. Ina Bell, yaija nka Ruusi owa Ira. N'obu omuhendo gwakuba nigwingana ki, yaija kugushashura. N'obu kyakuba . . . oku arikuza kushekyererwa, nari kushungisibwa, ariyo naaza omu mwanya hati, ayemereire hanu, naayatura ebibi bye. Atsimbire amaju, naayetegyereza omwanya ogu Mukama mukuru w'eigyesha yaabyamiremu aha musharaba. Kandi aho kutunga Omwoyo We, embabazi Ze ezaagamba nawe obu Ekigambo kyaba nikigyenda omu maisho, nka Naomi owa ira, naahabura. Kandi Kyaija aha muntu wenyini, omwanya gwonyini. Mbwenu hati yaija kuza omu mwanya gwonyini gw'omwikiriza, yaatsimba amaju aha musharaba, aho ahu arikwaturira ebibi bye, yaata aha musikye ebantu byona eby'amagara aga ira, kandi akahinduka ekihangirwe kisyu omuri Kristo Yesu.

89 Nitushaba, Taata, akasheeshe aka, ngu buri muntu otaanisiibwe na Ruhanga ori omu kyombeko eki, buri mushaija, omukazi, omwojo, nari omwishiki, Otarikukumanya, otaikiriza ngu Ebigambo ebi bimurabeho, Ai Mukama. Titurikumanya obwire obu turaaze omu Rubanja. Nikibaasa kuba nangwa n'ekiro eki obu baingi omuriitwe turikubaasa kwija. Obundi tutakataahire omu ka, butandu neebaasa kubaho. Obundi . . . Nitubaasa kuteerwa omutima. Titurikumanya. Ai Ruhanga, ka tweteguure, eshaaha egi, obu Omwoyo akiri hanu, obu tukiine ebirikuhamya ngu Ari hanu, obu Ruhanga w'Eiguru, omu mbabazi Ze zonna ezitaine bugarukiro, ari hanu kututaasyamu.

Tuhe aha mbabazi Zaawe, Mukama. Yohereza abandi, akasheeshe aka, aha itambiro, baakiire Kristo nk'Omujuni, nk'oku omukazi ogu ariyo naakora hati. Kikore, Mukama. Mugirire embabazi, ahabw'okumanya ngu abantu be . . . Munyaanya ashutami naanye hanu aha kituuti. Omurumuna, Wood, oshutami enyima kuri; nyina na ishe bashutami hanu. Mukama Ruhanga, ninshaba embabazi. Zituhe, Mukama. Noomanya eki ndikumanyisa omu mutima gwangye. Ninshaba ngu okusheesha Eshagama Kwawe, omu mbabazi, kwije hati omuri egi eshaaha. Kituhe, Mukama. Kikore, obwo tutegyereize abandi, ninshaba ngu abandi baije, nabo, Taata, kandi bagarukane na Ruhanga okurabira omuri Kristo.

90 Hati, obwo tutegyereize hati kandi turikwebuuza, twaza kugaruka tweshongore.

Omurikire, Ai Mukama, omurikire,
 K'ogwo Mushana ogurikuruga omu nju y'Omushana gumurikire;
 Ni kirungi. Yee.
 Omurikire . . .
 Hakaaba hariho ondijjo orikwenda kwija?
 . . . murikire,
 K'Omushana ogurikuruga omu nju y'Omushana gumurikire;

Omurikire, Mukama, omurikire,
 K'Omushana Gwawe ogurikuruga omu nju y'Omushana, gumuriki . . .
 Nikimpindura ki?
 Kuba nka Yesu, kuba nka Yesu,
 Omu nsi niinyetenga kuba Nkawe;
 Omu rugyendo rwona rw'amagara kuruga omu nsi kuza omu Kitiinisa,
 Ninshaba kuba Nkawe kyonka.

91 Taata, Ruhanga, buzima obwo nibwo bujurizi bwaitu. Mukama, nitwenda kuba Nkawe, abacureezi kandi abarikutwaza gye, abeebundaarize, barungi, obutoosha nitusaasira abo Abarikumubonabonesa kandi bakakora kubi. Ni-nitwenda kuba tutyo. Nitukusiima ababw'omukazi ogu owaarugayo akasheeshe aka. Nitumanya tuta eki amagara aga garaije kuba, ahanyima y'akaire kakye? Obundi omu nshobe ze zonna n'ebindi omu magara, nk'oku twena tukozire, okubireeba nibiza ahansi y'omwegyemure akasheeshe aka. Ninshaba, Ai Ruhanga, ngu omukazi ogu atuure amagara ageeziibwe agaraije kwebembera abarikukwatanisa nawe boona bakahika aha bumanyi obu. Ninshaba ngu atagarukira aha, kureka agumizemu ataaher omu nsi eyaaraganisiibwe, ayetegyereze ogwo mwanya kandi agubyamemu, aho atungye Omwoyo Orikwnra. Kikore, Mukama.

Ku haraabe hariho abandi hanu, Taata, ababaire bashemereire kwija, kwonka bataije, ninshaba ngu Omwoyo Waawe atabarugaho. Ninshaba ngu batahummura, nyomushana na nyekiro, kuhitsya obu baraije, nabo, bakacwamu bati. Tikugira omwaga, Mukama, kureka, Ai Ruhanga, n'ahabw'okumanya eki barikufeerwa. Okumanya ekiribaho aha Kiro ekyo, Kumuhurira naagira ati, "Mundugye omumaisho, imwe abakora eby'obugomi. Akasheeshe kari, aha ruguuto rw'omu rurembo rwa Eighth na Penn, Nkabeeta, kwonka timwaija." Ai Ruhanga, obwo bukaaba obwire bubi oburikutiinisa aharibo, obu turipimwa aha minzaani tukashangwa tutahikire. Taata, ikiriza kugira ngu ekyo kitarihika aha muntu weena ori omu Kubaho kw'Obwaruhanga Bwawe. Ninshaba ngu boona bajunwe. Twakishaba omu Iziina rya Yesu. Amiina.

92 Nitwenda kusiima Mukama, akasheeshe aka, ababw'oburungi n'okusaasira Kwe. Nimbasiima mwena ababw'okugumisiriza kwanyu, ababw'okutegyereza naanye munonga.

Ow'eishe-emwekazi Ina Bell. Ni . . . Ow'eishe-emwekazi Woods, ogwo ni murumuna waawe, Ow'eishe-emwe Charlie. Eki batwire nibashabira, kandi eki tutwire nitushabira, okumara obwire buraingwa. Ow'eishe-emwekazi Ina Bell, noobaasa kwemerera, akaanya kakye konka? Ogwo ni murumuna wa muka Woods . . . Omubiiki waitu hanu omu kanisa, ogwo ni muramu we, owaayakiira Yesu nk'Omujuni we akasheeshe aka. Ka n'eshaara nyangi eza . . . Ruhanga akuhe omugisha, Ow'eishe-emwekazi Ina Bell. Ningira ngu eiziina ryawwe naarigamba gye. Nikwo? Ninshaba ngu Ruhanga agume akuhe omugisha, ow'eishe-emwekazi omukundwa. Kandi ku oraabe otakabatizibwaga omu Iziina rya Yesu Kristo, ninkushaba ngu okikore, reero oheebwe Omwoyo Orikwnra.

Ruhanga agume naiwe obutoosha, ahe omugisha baro omukundwa aho. Nkamubugana ebiro bikye ebihingwire. Ku ndaabe ntashobize, eiziina rye ni Stanley. Niryo? Stanley. Ruhanga akuhe omugisha, Stanley. Eka ni nungi, kwonka niinyikiriza ngu hati neija kuba nungi okukira oku etwire. Ruhanga agume naimwe mwena obutoosha, kandi-kandi abahe embabazi Ze n'okusaasira, ebiro by'amagara gaanyu byona. Kandi mugumizemu nimukuratira Mukama. Obe nka Ruusi hati, Ina Bell, Omubeho akaramata. Ogumizemu noogyenda. Obumwe n'obumwe orugyendo niruza kuguma, kandi n'emihanda ebemu omwirima. Kwonka, oijukye, oreebe ahansi aha itaka, kandi bwanyima oreebe ahaiguru omu iguru, noija kureeba endibatiro z'Eshagama ezirikugumirizamu kimwe kuza ahaiguru okwo. Naija kukwebembera.

93 Hati, oo, bwabaire eihangwe, shaaha mukaaga. Nimukyenda kugira orunyiriri rw'ab'okushabirwa? [Abateeraine baagira bati, "Amiina." -Omur.]

Billy, nkahi, ni muringo ki . . . Agabire zaakaada z'ab'okushabirwa? Ti-tinka . . . Niinyikiriza angambiire ngu agabire . . . z'ab'okushabirwa. Kare, ebaire eri eha? Hagire omuntu owangambira egoy nyuguta n'ezo namba. [Omuntu omwe yaagira ati, "Ngugwo yajja." -Omur.] N'eha? [Ow'eishe-mwe Billy Paul yaagira ati, "B."] B. B, emwe kuhitsya ahari igana? Makumi ataano kuhitsya ahari igana. Kare. B, namba emwe. Baine . . .

Hati, twine abantu baangi, n'ahabw'ekyo titurikubaasa . . . Nituza kubemereza boona, reero tubarabyemu, obwo ndiyo nimbashabira.

94 Hati, ni bangahi abatakareebahoga rumwe aha nyiriri z'ab'okushabirwa? Ka tureebe emikono yaanyu, abatakaijaga omu nteerane zangye, omu runyiriri rw'ab'okushabirwa. Oo, mugyenzi! Muri baangi.

Kare, hati, nitubaasa kushabira abantu, nitubaasa kugiraho okumanya ebiri omu mitima y'abantu, nari tutagira orunyiriri rwona rw'ab'okushabirwa na kakye; tubeete kwonka, omu bateeraine. Tikiine nshonga. Omwoyo orikwnra ari hanu. Eego, sebo. Kwonka ka tube twemereire omu runyiriri rw'ab'okushabirwa.

Namba emwe, n'oha oine namba emwe, kaada B y'ow'okushabirwa? Namb-... Makumi ataano. Munsaasire. Tihariho oine namba emwe, buzima. Kare. Kaada y'ow'okushabirwa namba makumi ataano, n'oha ogiine? Ija hanu, sebo. Kaada y'ow'okushabirwa namba ya kabiri ...

Makumi ataano n'emwe, makumi ataano na ibiri. Kaada y'ow'okushabirwa namba makumi ataano na ibiri. Kare. Makumi ataano na ishatu. Makumi ataano na ishatu. Kare. Makumi ataano na ina.

Mwije kunu, hanu honyini. Ku muraabe muri enyima, mwije orubaju oru, hanu.

Makumi ataano n'emwe, makumi ataano na ibiri, makumi ataano na ishatu, makumi ataano na ina. N'oha oine makumi ataano na itaano, kaada y'ow'okushabirwa namba makumi ataano na itaano? Ogwo mukazi, hanu honyini. Kaada y'ow'okushabirwa namba makumi ataano na mukaaga.

Mwemerere, aha rubaju rw'ekisiika, aho, ku muraabe nimukunda.

Makumi ataano na mushanju, makumi ataano na munaana, makumi ataano na mwenda, makumi mukaaga. Makumi mukaaga na n'emwe, makumi mukaaga na ibiri, makumi mukaaga na ishatu, makumi mukaaga na ina, makumi mukaaga na itaano.

Busty, hinduka orabire kimwe omu kahanda ako ka rwagati aho aho, ow'eishe-emwe, aho aho. Kare. Hinduka orabiremu kimwe.

Ni bangahi abataine kaada y'ab'okushabirwa, kandi nimwenda ngu Mukama abatambire? Mwimutsye emikono yaanyu. Kare. Nikyo ekyo kyonka eki mushemereire kukora, hati mwikirize ekyo kyonka. Mwikirize kwonka. Kare.

Makumi ataano na mukaaga. Naagigamba? Makumi ataano na mushanju, makumi ataano na munaana, makumi ataano na mwenda, makumi mukaaga. Beemerere.

Makumi mukaaga n'emwe, na ibiri, na ishatu, na ina, na itaano. Beemerere. Makumi mukaaga na mukaaga, makumi mukaaga na mushanju, makumi mukaaga na munaana, makumi mukaaga na mwenda, makumi mushanju. Beemerere.

Tindikwenda ngu boona beeshukye omurundi gumwe, niyo nshonga erikutuma naayeta enamba, okuhitsya ahari makumi mushanju.

Makumi mushanju kuhitsya ahari makumi munaana, mwemerere. Mwije hanu, aha rubaju oru, makumi mushanju kuhitsya ahari makumi munaana. Kare. Omwe, babiri, bashatu, bana, bataano, mukaaga, mushanju, munaana, mwenda. Kare.

Makumi munaana kuhitsya ahari makumi mwenda, mwemerere hanu. Doc, bahwere enyima kuriya, ku oraabe nookunda. Makumi munaana kuhitsya ahari makumi mwenda, mwemerere aha rubaju oru.

Makumi mwenda kuhitsya ahari igana, mwemerere aha rubaju oru, hanu.

95 Kare.

Baaba bariyo nibateera orunyiriri, niinyenda kugira eki naabuza ekanisa. Abagyenyi abari hanu ni bangahi, abatakazahoga mu nteerane zangye? Muri bangahi? Ni bangahi abarikumanya ngu tihariho mutu orikubaasa kutambira ondijo, n'obu yaakuba dokita? [Abateeraine baagira bati, "Amiina." -Omur.] Ngaaha, sebo. Dokita tari mutambi. Naahwera eby'obuhangwa kwonka. Ruhanga niwe mutambi. Mwareeba? Dokita naabaasa kutereeza omukono, kwonka tarikubaasa kugutambira. Dokita naabaasa kwihamu akahago k'orura, kwonka takaatamba ahantu ahu yaashara. Dokita naabaasa kwihamu eriino, kwonka takaayemereza okujwa, nari kuhatambira. Ekyo Ruhanga niwe orikukikora.

96 Ni kirungi.

Ni bangahi abarikumanya ngu, obu Yesu yaabaire ari hanu omu nsi, ku Ataragizire ngu n'omutambi? [Abateeraine baagira bati, "Amiina." -Omur.] Akaba ari Omuntu. Akagira ngu, "Tiinye okora emirimo, kureka Tata ori Omuriinye, Niwe okora emirimo." Ekyo tikwo kiri? ["Amiina."] Ni bangahi abarikumanya, obu Yaabaire ari hanu, eki, oku . . . Ni buheereza ki obu Yaabaire aine obu Yaabaire ari hanu? Akakora eki Ishe Yaamworekire kukora. Ekyo tikwo kiri? ["Amiina."] Ni bangahi abarikumanya, abarikumanya ekyo? ["Amiina."] Yohaana Orikwera 5:19, Akagira ati, "Buzimazima nimbagambira nti, Omwana tabaasa kukora kintu kyona Ahabwe, kureka eki areeba Ishe naakora." Ekyo kihikire? ["Amiina."] "N'Omwana nawe, nikyo akora."

Hati, mbwenu, Yesu Kristo n'otahinduka, oku abaire ari nyomwabazyo n'eriirooba nikwo ari, kandi nikwo ariguma ebiro byona? [Abateeraine baagira bati, "Amiina." -Omur.] Ekyo nimukiikiriza, n'omutima gwanyu gwona? ["Amiina."] Tahinduka, oku abaire ari nyomwabazyo nikwo ariguma ebiro byona. Nimwikiriza, ngu, Yesu Kristo ahabw'okuba otahinduka oku abaire ari nyomwabazyo nikwo ariguma ebiro byona, ngu ekyo nikimanyisa ngu buzima n'Otahinduka? ["Amiina."] Kare.

N'Otahinduka ata? Tahinduka omu mikorere yoona. Ekyo kihikire? [Abateeraine baagira bati, "Amiina." - Omur.] Ni Ruhanga ogwo omwe, Omutambi ogwo omwe, Omujuni ogwo o-omwe. Tahinduka, emitwarize tehinduka. Egyo yoona tehinduka. Tikwo kiri? ["Amiina."] Tahinduka. Ni kirungi. Reero, ku Araabe yaabaire ari otahinduka, kandi na hati Atahinduka, Naakora kandi naatwaza kumwe. Ekyo kihikire? ["Amiina."] Hati, ni bangahi abarikumanya ngu ekyo n'Amazima? ["Amiina."]

97 Naaza kumara akaanya kakye hanu. Ntegyereize. Ahariinye, tibarikureebeka, nk'abantu makumi ataano abeemereire aho. Omwe, babiri, bashatu, bana, bataano, mukaaga, mushanju, munaana, mwenda, ikumi, ikumi n'omwe, ikumi na babiri, ikumi na bashatu, ikumi na bana. Ngaaha. Bamwe obundi bagiire omu ka, kareho. Ndeebire abantu bamwe nibagyenda enyima kuri. Kare, n'orunyiriri oru rukye, rugufu. Ni bangahi abarikwenda kutunga eki? Ni bangahi abatarikuumanya, omuri oru runyiriri? Imutsya omukono gwawe, orikumanya ngu tihariho eki ndikukumanyaho. Imutsya omu . . . omukono gwawe.

Ni bangahi aheeru okwo, abagyenyi, abarikumanya ngu tihaine eki ndikubamanyaho? Mwimutsye emikono yaanyu, kworeka ngu murwaire. Kare. Ni bangahi abaakwenzire kureeba orunyiriri rw'okumanya ebiri omu mitima y'abantu, kugira ngu tubaase kurahutsyia kandi tuheze? [Abateeraine baagira bati, "Amiina." - Omur.] Mukaayenzire . . . Hati, tikiine nshonga. Nimbaasa kubashabira kusha, bareetwe omu runyiriri. Nari, nibabaasa kushutama ahansi, bagyende kandi bashutame ahansi. Tikiine nshonga. Omwoyo Orikwera naabaasa kukyoreka, nabwo. Ekyo nimukiirkiriza? ["Amiina."]

98 Hati, mbwenu, ekyo ku kiraabe kiri kityo, kyo nimucecekye, akaanya kakye. Turiyo nitukyerereramu kakye, n'ahabw'ekyo mushutame muhunami, akaanya kakye. Niinyenda kugira eki naababuza hati.

Nimbaasa kuba ndi aha muzindaaro ogutarigwo hanu. Yombi neekora? Yombi eriho, kare, n'ogu nagwo? [Ow'eishe-emwe yaagira ati, "Eego." - Omur.] Ni kirungi.

Hati, muhuname, ahabw'akaanya kakye. Naaza kureeba omuri oru runyiriri, ndeebe yaaba nimmanyamu omuntu weena.

Nimmania oriya muntu oyemereire hariya. Hati, nimmania Earl. Earl, ninkumanya, Earl Colvin. [Ow'eishe-emwe Earl Colvin yaagira ati, "Tindi omu runyiriri rw'ab'okushabirwa, nabwo, Ow'eishe-emwe Bill. Ndeetsire munywani waitu kuruga Jeffersontown." - Omur.] Oo, eego, yee, ogwo mushaija eruguru hanu. Ogwo niwe mushaija ou twahiiigire kumwe, eruguru okwo omuri Colorado? ["Obundi waatumanya, tukoohire."] Oo, mugyzeni! Buzima ngaaha. Ningira ngu Earl angambiire ngu orwaire munonga, kandi ngu waija. Hati, ku oraabe otarikubaasa kwemerera omwanya muraingwa, hagire omuntu owaamutwarira entebe hariya. Nari, bamwe-bamwe beemerere bamuhe entebe aho haihi, nikiba kurungi, 'habw'okuba ogwo mushaija arwariire kimwe. Mugyzeni! Asharukireho nka kilo makumi ataano nari n'okukiraho, z'okuremeera kwe. Kandi-kandi a-arwariire kimwe. Hati murekye ashutame aho. Yebare, ow'eishe-emwe, aho.

99 Hati ka ndeebe eifo. Hati, Earl yaaba ayemereire nawe kwonka. Hati, omushaija ogu, oyemereire enyima kuri, nandeeba, orikuruga okwo haihi na La-LaGrange, Kentucky. Tindikumanya eiziina rye, kwonka ni-ninumanya. Kandi ogwo n'Ow'eishe-emwe n'Ow'eishe-mwekazi Kidd aho. Nimbamanya. N'ogu mukazi, ori . . . Ogwo n'Ow'eishe-emwekazi Rook? Nari . . . [Ow'eishe-emwe Neville yaagira ati, "Ow'eishe-emwekazi Hardy." Ow'eishe-emwekazi yaagira ati, "Ndi Ow'eishe-mwekazi Taylor . . . ? . . . na Hattie." - Omur.] Hamwe n'ogu mukazi hanu, orikuruga Sellersburg, ningira, ori empumi. Tikwo kiri? Kare.

Ningira ngu haihi nibo abo bonka, abari omu runyiriri, abu ndikumanya buzima. Oo, eego, hanu hariho munywani wangye munonga, Busty Rogers, hanu, kuruga eifo omuri Milltown. Kandi okugumizamu omu runyiriri, nintekateeka ngu abandi ni basya ahariinye. Hati, ekyo omu maisho ga Ruhanga, nk'oku ndikumanya, ni basya ahariinye.

100 Hati ka ndeebe omu bateeraine. Hati, imwe-imwe abu tutarikumanya, abarwaire, imutsya omukono gwawe, kandi, noomanya, ngu oine eki orikushaba omu mutima gwawe. Imutsya omukono gwawe, ahu ori hoona. Orikumanya ngu ni . . . Ni kirungi. Kare. Ni boona, hoonahoona, haihi buri hamwe.

Hati, hati, kitabashaasha, kutegyereza akaanya kakye nari karaingwaho. Niinyenda kubabuza ekibuuzo ekitarimu kuzaana. Reka nyirire enyima hanu, kugira ngu mubaase kumpurira. Niinyenda kugira eki naababuza. Hati, obu Butumwa obu ndikubuurira, nimubwikiriza kuba Amazima? [Abateeraine baagira bati, "Amiina." - Omur.] Kandi, buzima, timukaizire hanu kuri butari amazima.

Hati, Ruhanga akaakora ekintu nk'ekyo atagizire eki yaamanyisa aha ki ndikukora? Buzima Takaakikora. Buzima, takaabaasa. Hati, ku Araabe akikozire ekyo . . .

101 Hati, ndiyo ningira ngu Yesu Kristo takahindukaga. Okufa Kwe Tikuramuhindwire; Kukamuha ekitiinisa. Kandi Akazooka, aha kiro kya kashatu, Yaatembu omu iguru. Kandi Yaayohereza Omwoyo Orikwera, owaabaire ari Ruhanga, niwe Mwoyo Orikwera owaabaire Amuriho. Ekyo mwena nimukiirkiriza? [Abateeraine baagira bati, "Amiina." - Omur.] Kandi Yesu, obu Yaabaire ari hanu omu nsi, Akagira ati, "Emirimo ei nkora, naimwe muryagikora. Hatsigaire omwanya mukye, ensi Okutandeeba bundi." Egyo n'entwaza y'ensi, nimumanya, ekanisa etarikwikiriza n'abandi boona. "Tibarindeeba bundi. Kwonka, imwe Muryandeeba." "Imwe," egyo n'Ekanisa,

omwikiriza. "Ahakuba Nyowe . . ." "Nyowe" n'entsigwa rwetwara. Ndyaba ndi hamwe naimwe, nangwa n'omuriimwe, okuhitsya obu ensi egi erihwaho. "Kandi aho omu Rugriika n'omuhedu, ekirikumanyisa, "okuhwaho kw'ensi." "Ndyaguma ndi hamwe naimwe okuhitsya obu ensi egi erihwaho. Kandi emirimmo Ei nkora naimwe muryagikora." Ago n'Amazima? ["Amiina."]

102 Hati, twine Ababaputisiti, Abametsodisiti, Abapurotesitante, n'Abakatoriki, kandi-kandi nangwa n'Abayudaaya, bashutami hanu akasheeshe aka. Kandi twine aba church of God, Abanazaraayo, Pilgrim Holiness, Jehovah Witness, ebyo bigombe by'amadiini byona ebijwekyeirwe ebitari bimwe. Niinyetooroozamu amaisho, mbareeba. Abametsodisiti, Abaluteeri, Abapentekoote, ab'emiringo yoona, naaba nindeeba, nindeeba abantu abu ndikumanya. Kandi boona n'abagyenyi abarikuruga aheeru y'etauni. Tabirinaakuru ya Branham n'akantu kakye munonga, hanu omu-omu rurembo, kwonka ekozirwe abantu abarikuruga omu nsi yoona.

103 Hati, ka tukwate eki, kandi tuteekateekye munonga, tuteekateekye, twegye, twecureeze, reero tubuuze ekibuuzzo eki. Reero, ku Araabe atafire, obwo emitwarize Ye ahariiwe n'aha barwaire neeba eri emwe eriizooba nk'oku yaabaire eri nyomwabazyo. Mbwenu Akatwaza ata nyomwabazyo? Eki, "Nimbaasa, ku muraabe nimwikiriza." Tikwo kiri? [Abateeraine baagira bat, "Amiina." -Omur.] "Ku muraabe nimwikiriza."

Ogwo mushaija akagira ati, "Mukama, tugirire embabazi." Yaagira ati, "Omwana wangye daimoni naamwita kubi munonga. Naamureetera abeegi Baawe, kwonka baaba nibaamuzya nibateera orwari, na buri kimwe."

Yaagira ati, "Nimbaasa, ku oraabe noikiriza. Ku oraabe noikiriza, Nimbaasa."

104 Hati yetegyereze. Yesu akakora ata? Akaba Ari ki, nyomwabazyo? Akaheereza ata? Hati, eki n'eky'abagyenyi hati, nibo ndikugambira. Ka tureebe eki Yaabaire ari, nyomwabazyo. Nikintwarira nk'edakiika ishatu zonka, twaza kujuriza, omu myanya mikye ebiri.

Obuheereza Bwe ku bwatandikire omu kubanza, hakaba hariho omushaija omwe orikwetwa Anderea, omujubi, owaahindukire, Akamwikiriza, bwanyima akagyenda yaayeeta mukuru we, owaabaire naayetwa Simooni. Ekyo nimukijuka? Akamureeta ahari Yesu. Akaba ari omujubi mubisi, atarikubaasa n'okuhandiika eiziina rye. Kandi akaija yaahika omu maisho ga Yesu. Yesu yaamureeba, yaagira ati, "Eiziina ryawe ori Simooni. Ori mwene Yona."

Ni bangahi abarikumanya ngu ekyo n'Ekyahandiikirwe? Bakamanya ngu ogwo ni Mesia, 'habw'okuba Niwe . . . Ruhanga yaaraganiise. Musa akaraganisa, ngu, Mesia ku ariija, Aryaba Nabi. Tikwo kiri? [Abateeraine baagira bat, "Amiina." -Omur.] Nabi-Mesia. Kandi akareeba, reero Yaagira ati, "Eiziina ryawe ori Simoni." Yaagumizamu yaagira ati, "Sho akaba naayetwa Yohaana." Reero yaamanya ngu ogwo ni Mesia.

105 Ogwo mukazi aha iziba, abo n'abantu b'erindi ihanga. Hati, Abayudaaya n'Abasamaria bonka nibo Abaamwakiire. Abanyamahanga, tukaba tutakataahiremu, ekibiina kya Ruusi. Hati, omukazi ow'aha iziba, owaabaire ari Omusamaria, akaija kutaha amaizi. Yesu yaagira ati, "Mpa eky'okunywa." Akakora ki? Akagamba nawe, nk'oku naakugamba n'omuntu aho omu bashomi. Yaagira ati, "Mpa eky'okunywa." Bakaba batakabuganaga.

Reero ogwo musamariakazi yaagira ati, "Ahabw'enki, ti kya burijo, kunu twine okushoroora omu nganda." Nk'oku twabaire tukwine omu Mashuuma, ahari banywani baitu abairaguju n'abandi, kwonka hati tibakikwine. Ruhanga asiimwe, ahabw'ekyo. N'ahabw'ekyo Yaagira ati . . . "Twine okushoroora omu nganda kumu. Ahabw'enki, ti kya burijo Ahariwe. Ori Omuyudaaya." Yesu akaba ari Omuyudaaya. Ogwo mukazi akaba ari Omusamariakazi. Yaagira ati, "Ti kya burijo Iwe kushaba nyowe, Omusamariakazi, nk'ekyo."

Yaagira ati, "Kwonka, mukazi 'we, kuri noomanya Ou orikugamba nawe, Okanshabire eky'okunywa."

Ekyo kikeemereza ogwo mukazi murungi. Yaareeba ahaiguru yaagira ati, "Ahabw'enki, Toine ky'okutahisa. Eiziba ni riraingwa."

Yaagira ati, "Amaizi agu Mpa n'Amagara agatahwaho."

Aha muheru Yaamanya omurabanamu gwe. Ni bangahi abarikumanya, abagyenyi, abarikumanya ogwabaire guri omurabanamu gwe? Akaba aine abashaija bataano. Reero Akamugambira ki? Akagira ati, "Irooko oyete baro, ogarukye aha."

Omukazi Akamureeba. Yaamugarukamu ati, "Tiinyine mushaija."

Yesu yaamugira ati, "Waagamba gye, ahabw'okuba okashwerwa abashaija bataano, n'ogwo ou oine hati ti baro."

106 Omukazi yaagira ati, "Sebo, naayetegyereza ku Ori nabi. Hati, nitumanya, Mesia ku ariija," ogwo ni Yesu, "Mesia ku ariija, Aryatushoboororera byona, 'habw'okuba nitumanya ngu Aryaba ari Nabi ogwo. Nitumanya, Mesia ku ariija, Aryakora ebi. Kwonka iwe Ori oha?"

Yesu yaagira ati, "Manya, Niinje."

Kandi ku yaahuriire ekyo, akairuka yaaza omu rurembo yaagira ati, "Mwije, mureebe Omuntu owangambira

ebi naakozire. Ogu tiwe Mesia wenyini?"

Ako ku karaabe kaabaire kari akamanyiso ka Mesia, nyomwabazyo, kandi n'Otahinduka n'eriizooba, ekintu Nikyo kimwe n'eriizooba. [Abateeraine baagira bati, "Amiina." -Omur.] Hati, abagyenyi ekyo nimukiikiriza? ["Amiina."]

Hati, ekyo n'ekyanyu abari omu runyiriri, hanu.

107 Hati ahari abo abari aheeru okwo, ka mbahe Ekyahandiikirwe kimwe kyonka, kugira ngu mubaase kubona eky'okwemereraho. Ni bangahi abarikwikiriza ngu n'Omunyamurwa Omukuru hati orikubaasa kusaasira hamwe naitwe omu bweremwa bwaitu? [Abateeraine baagira bati, "Amiina." -Omur.] Twena . . . [Omwanya oguriho busha aha rutambi rw'amaraka.]

Obwo nibwo buremeezi bwe. Kitumire waahwamu amaani. [Ow'eishe-emwe yaagira ati, "Ekyo kihikire." -Omur.] Ekyo kihikire. Noimuka nyekiro, n'ebindi nk'ebyo. Nooruga Ohio. ["Ekyo kihikire."] Kandi ori ow'omu kanisa y'Ow'eishe-emwe Sullivan, nari ozayo. Nindeeba Ow'eishe-emwe Sullivan ayemereire haihi. Waija na Kidds. Ogwo niwe waija nawe. Ekyo kihikire. ["Ekyo kihikire."] Kare. Eshaaha egi, waayehurira okundi hati. ["Ekyo kihikire."] Endwara yaakurugaho. Hati noobaasa kutaaha omu ka. Okwikiriza kwawe kwakukiza hati. Ruhanga akuhe omugisha. [Omwanya oguriho busha aha rutambi rw'amaraka.]

108 Kwonka, eky'okukumanya, Ruhanga ori omu Iguru naamanya ngu tihariho ekintu kyona eki ndikukumanyaho. Tindikumanya ekizibu kyawe. Tiinyine buryo bwona bw'okumanya ekizibu kyawe. Ori omushajja oyemereire aho. Kandi waaba oine kaada y'okushabirwa, eriho enamba. Waafa ku . . . Omutsigazi yaakuha egyo kaada, kandi oyetsirwe kwija hanu omu runyiriri rw'ab'okushabirwa.

Hati reka tureebe oku kirikwija. Mwareeba, ogwo murundi gumwe gwonka, gugumire munonga. Ekyo kyamaramu amaani, ogwo murundi gumwe, okukira obwire bwona obu naamara nimbuurira akasheeshe aka. Hariho ekintu ekirikushuururuwa, mwareeba, ekintu ekirikushuururuwa.

Mutsigazi 'we, buzima tori hanu ahabwawe. Ori hanu ahabw'ondijo muntu, kandi n'omwana. Ogwo mwana tari hanu. Ari omu nsi y'oruhita, Kansas. [Ow'eishe-emwe yaagira ati, "Eego, sebo." -Omur.] Aine nk'akeeyebe, nk'entsimbo. N'entsimbo. Hariho omwirima ogushwekire ogwo mwana.

Oine akwate, nari ori . . . na Strickers. [Ow'eishe-emwe yaagira ati, "Eego." -Omur.] Mwena mukataasya enyineemwe, nari ekintu nk'ekyo? ["Eego."] Ekyo kihikire. Noikiriza? ["Eego."] Reero tarigaruka kugira akeeyebe, ku oraikirize n'omutima gwawe gwona. Nk'oku waikiriza, kibe nikwo kyaba aha mwana. [Omwanya oguriho busha aha rutambi rw'amaraka.]

109 Nooshabira shwenkazi ogwo orwaire ekookoro. Ahaifo aho, noikiriza n'omutima gwawe gwona, enyima aho? Ngu no . . . Yee. Yee. Tindikukumanya. Tinkakureebaga, omu biro by'amagara gangye. Kwonka ku wampurira ningambira oriya mushajja ekintu, ngu yaaba naateekateeka aha munyabuzaare, ekyo kyakwizira. Mbwenu, noikiriza n'omutima gwawe gwona?

Hati yaakora ahari ki? Niinyenda ngu imwe bantu 'mwe mungambire eki ogwo mukazi yaakoraho. [Omwanya oguriho busha aha rutambi rw'amaraka.]

Hati, ezi ni ibiri, nari ezi ni zingahi? Twaba twaherize ishatu? [Omwe yaagira ati, "Ibiri." -Omur.] Ibiri? Ibiri. Kare. Tikiine nshonga.

Ogwo mukazi ariho ekicuucu kya rufu. Asangiirwe ekicuucu kirikwiragura. Kandi, arwaire ekookoro. Ekyo kihikire. [Ow'eishe-emwekazi yaagira ati, "Nikwo kiri." -Omur.] Dokita akakugira ngu n'ekookoro y'omu rwizi rw'omu nturugunu. ["Ekyo n'amazima."] Ekyo kihikire. Imutsya omukono gwawe. ["Ekyo n'amazima, Mukama. Ekyo n'amazima, Mukama."] Ori owa hare na hanu, Iowa. ["Eego."] Noikiriza? ["Niinyikiriza. Niinyikiriza. Niinyikiriza."] Oine mutabani waawe nari . . . N'omwijkuru. ["Nikwo kiri."] Kandi, eki, amaisho ge gaine ekizibu. ["Ekyo kihikire."] Oriyo noomushabira. ["Nikwo kiri."] Noikiriza ngu Ruhanga naabaasa kungambira eiziina ryawee? ["Niinyikiriza."] Muky. McKee. ["Nimmanya . . . ? . . ."] N'ahabw'ekyo garuka omu ka yaawe, okire. ["Ai Ruhanga!"] Yesu Kristo yaaku . . . [Omwanya oguriho busha aha rutambi rw'amaraka.]

110 Omushana ogu murikureeba ahari ekyo kishushani, guri ahaiguru y'omukazi ori oshutami enyima kuri. Nyikiriza ku ndi nabi We, ow'eishe-emwekazi. Nooshabira baro, ori aha ncwamba za rufu, omu Irwariro rya Baakahonaho. Ekyo ni OKU NIKWO MUKAMA ARIKUGIRA. Ikiriza n'omutima gwawe gwona, hati, naaza kukira.

Yaakora ahari ki? [Omwanya oguriho busha aha rutambi rw'amaraka -Omur.]

Hati, mu-mugumizemu nimwikiriza, aheeru okwo. Mwareeba? [Omwanya oguriho busha aha rutambi rw'amaraka -Omur.]

Butandu ya motoka, orugire eruguru, oku, eruguru omu bukiizi-bwa-bumoshio. Ori haihi na Bedford, Indiana. [Ow'eishe-emwekazi yaagira ati, "Nikwo." -Omur.] Ekyo n'amazima. Ekyo n'amazima? ["Ekyo kihikire."] Mbwenu noikiriza ngu ebitysa byawe nibiza kukira? Oku oraikirize, kibe nikwo kyakukorerwa. Garukayo omu ka,

noohimbisa Ruhanga- . . . [Omwanya oguriho busha aha rutambi rw'amaraka.]

Ai Ruhanga, ogu mushajia muto, orikurwana okurwana okurungi kw'Okwikiriza, ayemereire omu Kubaho kwa Yehova-yire, Mukama orikweheerayo ekitambo. K'Amaani agaazoire Yesu kuruga omu kituuro, gamukoreho, amagingo aga, gamuhe eki omutima gwe gurikwetenga. Omu Iziina rya Yesu Kristo. Amiina.

Mukama Yesu, ninta engaro zangye ahari munyaanyazi. Omu Iziina rya Yesu Kristo, ninshaba ngu ago maisho gakire. K'obuhuruzi bwe-bwe burugye omu mubiri gwe. Omu Iziina rya Yesu Kristo. Amiina.

Tataitwe ow'omu Iguru, ni munyaanyazi mukye Ow'eishe-emwekazi Kidd. Ninshaba ngu Amaani . . . ? . . . kyo. Muhe amaani omu myaka ye ya bukur, nk'oku waakoreire Naomi. Mukama, ninshaba ngu agumizemu kukoresibwa ahabw'ekitiinisa Kyawe. Kikore, Taata, okurabira omu Iziina rya Yesu Kristo.

Kandi aha W'eishe-emwe Kidd, Mukama, rufu egyo ekamuteera, kwonka Amagara gaamugarura. Ai Ruhanga, ninshaba ngu Omugumye aine amaani. Obwire bwe obwateirweho yaabuhingwize buzima, kwonka Iwe ori Ruhanga. Kandi Nookora eki ahabw'ekitiinisa Kyawe, nk'oku Wandaganise, omu irwariro. Hati muhe amaani ahabw'obujurizi. Ninshaba ngu obujurizi bwe burangaanwe, omu ihanga rya Ohio, bubugye ensi yoona.

[Omwanya oguriho busha aha rutambi rw'amaraka -Omur.]

. . . ngu Yesu yantambira hati.

Ninza kukora nk'oku Ekigambo Kye kirikugira.



Obutumwa obu bukabuuirwa
William Marrion Branham
 "... omu biro by'eiraka ..." Kush 10:7